

नमो नमो निम्मल दंशणस्स

आगमसुत्ताणि



८

अंतगडदसाओ

अट्ठमं अंगसुत्तं

संसोहय-संपायग

निपुण निर्यामिड पू, मुनिराज श्री सुधर्म सागरञ्ज म. ना शिष्य

मुनि दीपरत्नसागर

બાલ બ્રહ્મચારી શ્રી જેમિલાલાલ જભઃ
 નમો નમો નિમ્બલ દંસગત્સ
 શ્રી આનંદ-ક્ષમા-સલિત-સુશીલ-સુધર્મસાગરગુરુબ્ધો નમઃ

૪૫-આગમસુત્તાણિ

--: સં સો હ ય--સં પા ય ગ :-
 પૂજ્ય મુનિરાજ શ્રી સુધર્મસાગરજી મહારાજ સાહેબન્ય શિષ્ય
મુનિ દીપરત્નસાગર

તા. ૨૨/૭/૯૬

સોમવાર ૨૦૫૨

અષ્ટમી સુદ : ૬

૪૫ આગમના સેટની કિંમત - રૂ. ૧૫૦૦/-
 (ભાવિ આગમ-કાર્ય ખાતે)

આગમ શ્રુત પ્રકાશન

મુદ્રક

નવખલાત પ્રિન્ટીંગ પ્રેસ ધીકાંટારોડ, અમદાવાદ.

કમ્પોઝ

શ્રી ગ્રાફિક્સ ૨૧, સુભાષનગર, ગિરધરનગર,
 શક્તીબાગ, અમદાવાદ.

[2]

આર્થિક અનુદાન ઠાતા

૪૫ આગમમાં મુખ્ય દ્રવ્ય સહાયક

વિષ્ણુભાષી શ્રમણીવર્યા શ્રી સૌમ્યગુણાશ્રીજીની પ્રેરણાથી

સ મ્ય વ શુ લા નુ રા ગી જ મ શો ધા સિ કા

શ્રીમતી નયનાબેન રમેશચંદ્ર શાહ - સપરિવાર [વડોદરા]

69962

● અલગ-અલગ આગમના મુખ્ય દ્રવ્ય સહાયકો ●

- ૧ સાધ્વીશ્રી રત્નત્રયાશ્રીજી મ. ના પરમવિનેયા સાધ્વીશ્રી સૌમ્યગુણાશ્રીજીની પ્રેરણાથી - શ્રી શાંતિલાલ કેશવલાલના બંગલે, ૨૦૫૧ ના ચાતુર્માસમાં થયેલી જ્ઞાનની ઉપજમાંથી - વડોદરા
- ૨ રત્નત્રયારાધકા સાધ્વીશ્રી સૌમ્યગુણાશ્રીજીની પ્રેરણાથી શ્રી હરિનગર જૈન સંઘ વડોદરામાં શ્રી પર્યુષણ પર્વમાં થયેલી સૂત્રોની બોલીની ઉપજમાંથી - સં. ૨૦૫૧
- ૩ સ્વનામધન્યા સાધ્વીશ્રી સૌમ્યગુણાશ્રીજીની પ્રેરણાથી-શ્રી શાંતિલાલ કેશવલાલના બંગલે, વડોદરા, ૨૦૫૧ના ચોમાસાની આરાધના નિમિત્તે
- ૪ પ્રશાંતમૂર્તિ સા. સૌમ્યગુણાશ્રીજીના શિષ્યા તપસ્વી સા. સમજાશ્રીજીના ૪૫ આગમના ૪૫ ઉપવાસ નિમિત્તે શા. કે. બંગલે થયેલ જ્ઞાનપૂજન તથા ગુરુભક્તો તરફથી, બરોડા
- ૫ સા. શ્રી રત્નત્રયાશ્રીજીના પ્રશિષ્યા સા. સમજાશ્રીજીના સિદ્ધિતપ નિમિત્તે સ્વ. રતિલાલ કાલીદાસ વોરાના સ્મરણાર્થે લીલીબેન રતીલાલ તરફથી, મુરેન્દ્રનગર.
- ૬ પૂ. રત્નત્રયાશ્રીજી મ. ની દ્વિતીયપુન્યતિથિ નિમિત્તે સા. મોક્ષરત્નાશ્રીજીની પ્રેરણાથી શાહ ખીમચંદ છગનલાલ પરિવાર, હ. મંજુલા બેન. ખેરવાવાળા [હાલ-મુંબઈ]
- ૭ સાધ્વી શ્રી સૌમ્યગુણાશ્રીજીના ઉપદેશથી શ્રી ગુજરાતી શ્રે. મૂ. જૈન સંઘ, મદ્રાસ હસ્તે શ્રી ઈન્દ્રવદન રતીલાલ દામાણી - વિંછીયાવાળા-હાલ-મદ્રાસ
- ૮ સા. શ્રી સૌમ્યગુણાશ્રીજીની પ્રેરણાથી, સ્વ. ચતુરાબેન પિંતાબરદાસ પી. દામાણીના સ્મરણાર્થે તેમનો પરિવાર, હ. ઈન્દ્રવદન રતીલાલ દામાણી-વિંછીયાવાળા (મદ્રાસ)
- ૯ પૂ. ગુરુમાતા રત્નત્રયાશ્રીજીના અંતેવાસી સાધ્વી શ્રી સૌમ્યગુણાશ્રીજી ની પ્રેરણાથી પૂજ્યશ્રીની પુન્યતિથિ નિમિત્તે, શ્રી સાંકળીબાઈ જૈન શ્રાવિકા ઉપાશ્રય-રાણપુર તથા શ્રી ખેરાવરનગર જૈન શ્રાવિકાસંઘની જ્ઞાનની ઉપજમાંથી
- ૧૦ શ્રીમતી દીપ્તીબેન સુનીલભાઈ પટેલ હ. નયનાબેન, લોસએન્જલેસ, અમેરિકા
- ૧૧ શ્રીમતી અનુપમા બહેન ભરતભાઈ ગુપ્તા. હ. નયનાબેન, વડોદરા
- ૧૨ શ્રીમતી પ્રિયકાબેન પરાગભાઈ ઝવેરી, હ. નયનાબેન, મુંબઈ
- ૧૩ શ્રી અલકાપુરી-શ્રે. મૂર્તિ જૈનસંઘ-વડોદરા-હ. નયનાબેન
- ૧૪ શ્રી વાસુપૂજ્ય ચૈત્ય-મેહુલ સોસાયટી, સુભાનપુરા-જ્ઞાનખાતુ-વડોદરા હ. લાભુબેન
- ૧૫ શ્રીમતી સુમિત્રાબહેન હસમુખભાઈ સંઘવી, ખાનપુર (ઈન્દોડા) અમદાવાદ

[3]

- ૧૬ સ્વ. મનસુખલાલ જગજીવનદાસ શાહ તથા સ્વ. મંગલાબેન જગજીવનદાસના સ્મરણાર્થે શાહ મેડિકલ સ્ટોર, ધોરાજી વાળા, હ. અનુભાઈ તથા જગદીશભાઈ
- ૧૭ શ્રી કોઠીપોળ, શ્વે. મૂર્તિ, જૈન સંઘ, શ્રી શાંતિનાથ જિનાલય - જ્ઞાનખાતુ, વડોદરા
- ૧૮ શ્રી કારેલી બાગ શ્વે. મૂર્તિ, જૈનસંઘ, વડોદરા-હ. શાંતિભાઈ
- ૧૯ શ્રી કૃષ્ણનગર શ્વે. મૂર્તિ, જૈનસંઘ-અમદાવાદ.
- ૨૦ શ્રી કૃષ્ણનગર શ્વે. મૂર્તિ, જૈનસંઘ, અમદાવાદ
- ૨૧ સિદ્ધાન્તનિષ્ઠ પૂ. ગચ્છા. આ. શ્રી વિજયરામચંદ્રસૂરીશ્વરજી મ. સા. ના દિવ્યઆશીષથી - પટેલ આશાભાઈ સોનાભાઈ, હ. લલીતાબેન, સુભાનપુરા, વડોદરા
- ૨૨ સ્વ. વિરચંદભાઈ મણીલાલ લીંબડીવાળા, તથા સ્વ. જસુદબેન વિરચંદભાઈની શ્વતજ્ઞાનારાધાનાની સ્મૃત્યર્થે તેમના સુપુત્રો તરફથી, અમદાવાદ
- ૨૩ વૈયાવચ્ચપરાયણા શ્રમણીવર્યા શ્રી અનંતગુણાશ્રીજીની પ્રેરણાથી સમ્મગ્દર્શન આરાધના ભવનટ્રસ્ટ, અમદાવાદ તરફથી [શ્રી મહાનિસીહ સૂત્ર માટે]

● ૪૫ - જ્ઞાનમ સ્ટેટ-ગોવલા ગ્રાહક - દાતા ●

પ. પૂ. સા. સૌમ્યગુણાશ્રી મ. ના ઉપદેશ તથા તેમના સંસ્પારીભાઈ શ્રી ઈન્દ્રવદન રતીલાલ દામાણી (વિંછીયાવાળા) - મદ્રાસના પ્રેરક સૌજ્યથી

૧. શ્રીમતી ગુપ્તીબેન જ્યનંદભાઈ સી. કોઠારી, પાલનપુર, હાલ-મદ્રાસ
૨. શ્રીમતી દેવ્યાનીબેન ચંદ્રકાન્તભાઈ એમ. ટોલીયા, વાંકાનેર, હાલ-મદ્રાસ
૩. શ્રીમતી સુશીલાબેન શાંતિભાઈ એન. વોરા, જામનગર, હાલ-મદ્રાસ
૪. શ્રીમતી પુષ્પાબેન અમૃતલાલ ટી. શાહ, ગુડા, હાલ-મદ્રાસ
૫. શ્રીમતી નિર્મલાબેન જયંતિભાઈ એસ. પહેતા, ધાન, હાલ-મદ્રાસ
૬. શ્રીમતી મધુકાન્તાબેન રતિલાલ જે. શાહ, વીંછીયા, હાલ-મદ્રાસ
૭. શ્રીમતી ગુણિબેન દિનેશભાઈ સી. શાહ, પાલનપુર, હાલ-મદ્રાસ
૮. શ્રીમતી મૃદુલાબેન પ્રિયકાન્તભાઈ સી. શાહ, મૂળી, હાલ-મદ્રાસ
૯. શ્રીમતી નયનાબેન નરેન્દ્રભાઈ આર. શાહ, મૂળી, હાલ-મદ્રાસ
૧૦. શ્રીમતી મંજુલાબેન ગુણવંતભાઈ સી. દોશી, મદ્રાસ
૧૧. શ્રીમતી કુંદનબેન રતીલાલ જે. શાહ કાપડીયા પરિવાર તરફથી લખતર, હાલ-મદ્રાસ
૧૨. શ્રી વાડીલાલ કાળીદાસભાઈ દોશી, મોરબી, હાલ-મદ્રાસ
૧૩. મે. પી. બી. શાહ એન્ડ કું. હ. અરવિંદભાઈ મોરબી, હાલ-મદ્રાસ
૧૪. સ્વ. માતુશ્રી ચંપાબેનના સ્મરણાર્થે શ્રી નગીનદાસ અમૃતલાલ શાહ, મદ્રાસ
૧૫. અમરીબાઈના સ્મરણાર્થે હ. બાબુલાલ - મહાવીરચંદ બોહરા, મદ્રાસ

[4]

સા. મોક્ષરત્નાશ્રીજી તથા સા. શ્રી સમજાશ્રીજીની પ્રેરણાથી - હાલ ધુલિયાવાળા

- | | |
|-----------------------------|------------------------------|
| ૧ કાંતિલાલ હજારીલાલ ચોવટીયા | ૨ સંપતી રતનલાલ ભગવાનદાસ રહોડ |
| ૩ મધુમતી રાજેબ રેદાસની | ૪ સરલાબેન રમેશચંદ વોરા |

૫ સુમનભાઈ બાલચંદજી ચોરડીયા

- ૬ અ.સો.હંસાબેન ઉત્તમલાલ સુખડીયાના વર્ણિતપ નિમિત્તે ઉત્તમલાલ રતીલાલ રાસપુરાવાળા તરફથી
૭ સ્વ. પૂ. પિતાશ્રી રતિલાલ તારાચંદ તથા કાન્તાબેન રતીલાલના આત્મશ્રેયાર્થે તેમના સુપુત્રો તરફથી

- ૧ સુખડીયા હસમુખલાલ વનેચંદ (જામવંચલી) નંદુરબાર
૨ ગં. સ્વ. સુરજબેન પદમચી યાહ. હ. જ્યોતિબેન નંદુરબાર
૩ સા. સમજાશ્રીજીની પ્રેરણાથી શ્રી અજિતનાથ - મંદિર ચે. મૂર્તિ સંપના શ્રાવિકાબહેનો નંદુરબાર
૪ સા. સમજાશ્રીજીની પ્રેરણાથી - શાહ યુનિલાલજી શિવલાલજી, સોનગીર
૫ સુખડીયા ચત્રભુજ જગમોહનદાસ હ. વીરાભાઈ - ધોચજી
૬ શાહ મફતલાલ ફકીરચંદ, વિધિકારક (ડબોઈ) હાલ-અમદાવાદ
૭ સા. શ્રી સૌમ્યગુણાશ્રીજીની પ્રેરણાથી રમેશચંદ મનસુખલાલ શાહ, અમદાવાદ
૮ સા. શ્રી સૌમ્યગુણાશ્રીજીની પ્રેરણાથી શ્રીમતી જાસુદબેન લક્ષ્મીચંદ મેતા, હ.ઈન્દુભાઈ દામાણી, સુરત
૯ સા. શ્રી મોક્ષરત્નાશ્રીજીની પ્રેરણાથી સ્વ. સોચંદ બોશાભાઈ પરિવાર હ. બાલુબેન, ચમપુરા
૧૦ પૂ. આગમોદ્ધારકશ્રીના સમુદાયના દીર્ઘસંયમી વિદુષી સા. શ્રી મુત્તારાશ્રીજી જામનગરવાળાના ઉપદેશથી તથા તેમના પદશિષ્યાની પુનિત પ્રેરણાથી
૧૧ ભોગીલાલ ત્રીભોવનદાસ યાહ, હ. નવનાબેન, વડોદરા

૧૨ સંગીતા અજમેરીયા - મોરબી

● ૪૫ આમગસેટ યોજના-જામદાતા ●

૧ પરમાર દીપ્તી રાજેશકુમાર-વડોદરા

૨. સા. શ્રી સૌમ્યગુણાશ્રીજીની પ્રેરણાથી કિરણબેન અજિતકુમાર કાપડીયા, વડોદરા
૩. સા. શ્રી સમજાશ્રીજીની પ્રેરણાથી - શ્રી નિજામપુરા જૈન સંઘ, વડોદરા
૪. સા. શ્રી સમજાશ્રીજીની પ્રેરણાથી - ચંદ્રિકાબેન મહેશભાઈ શાહ, વડોદરા
૫. સા. શ્રી મોક્ષરત્નાશ્રીજીની પ્રેરણાથી ગં. સ્વ. વસંતબેન ત્રંબકલાલ દોશી, નંદુરબાર
૬. માણેકબેન શાહ- વડોદરા
૭. શોભનાબેન શાહ - વડોદરા

-: ગં થા પુ ક્ક મ :-

ક્રમકો	વર્ગો	અન્નપર્ષ	સુતં	ગ્રહા	અણુક્કમ	વિટંકો
૧	પદ્મો	૧૦	૧-૨	૧-૨	૧-૬	૨-૩
૨	લીઓ	૮	૩-	૩-	૭-૯	૩-૪
૩	તદ્ઓ	૧૩	૪-૭	-	૧૦-૧૪	૪-૧૪
૪	વડલો	૧૦	૮-	૪-	૧૫-૧૭	૧૪-૧૫
૫	પંચમો	૧૦	૯-૧૧	૫-	૧૮-૨૨	૧૫-૧૮
૬	છટ્ટો	૧૬	૧૨-૧૫	૬-૭	૨૩-૪૦	૧૮-૨૫
૭	સત્તમો	૧૩	૧૬-	૮-૯	૪૧-૪૫	૨૫-
૮	અઠ્ઠમો	૧૦	૧૭-૨૭	૧૦-૧૨	૪૬-૬૨	૨૫-૩૨

પરિસિદ્ધ-નિદંસણં

ક્રમ	પરિસિદ્ધં	વિટંકો
૧	વિસવાણુક્કમો	૮
૨	વિસિદ્ધસાહાણુક્કમો	૮
૩	વિસેસ નાપાણુક્કમો	૮
૪	ગાહાણુક્કમો	૮
૫	સુતાણુક્કમો	૮

સુચનાપત્ર

- આગમ સૂત્રોમાં ૩૫૫ બાજુએ છપાયેલ પ્રથમ-અંક, સૂત્ર તથા ગાથાની સંયુક્ત સળંગ ક્રમાંક સૂચવે છે. [અણુક્કમ]
- છેડે જમણી બાજુએ દર્શાવેલ હિન્દી ક્રમાંકન આગમમંજુષા માં છપાયેલ સૂત્રાંક અને ગાથાંક સૂચવે છે. [ક્રમ]
- સૂત્રને જણાવવા માટે અહીં ઉભા લીટા । । ની વચ્ચે આગમમંજુષા નો સૂત્રાંક મૂકેલો છે. [સુતંકો]
- ગાથાને જણાવવા માટે અહીં બે ઉભા લીટા ॥ ॥ ની વચ્ચે આગમમંજુષા નો ગાથાંક મૂકેલો છે. [ગાહંકો]
- છેડે જમણી બાજુએ દર્શાવેલ અંગ્રેજી ક્રમાંક - વૃત્તિનો અંક જણાવવા માટે છે. અહીં આપેલ કોઈ પણ સૂત્ર કે ગાથાની વૃત્તિ જોવી હોય તો જે-તે અધ્યયનાદિ નો વૃત્તિમાં જે અંક હોય તે જ અંક અહીં અંગ્રેજી ક્રમાંકન કરી નોંધેલો છે.
- અંગ્રેજી ક્રમાંકન માં જ્યાં અંક પછી R આવે ત્યાં આ સૂત્રાંક કે ગાથાંક વૃત્તિમાં બીજી વખત આવેલો જણવો. - શોધવો.
- જ્યાં સૂત્રોમાં [] આ રીતે ચોરસ કોંસ મુકેલા છે તે બે ચોરસ કોંસ વચ્ચેનું લખાણ જાવ વાળા પાઠોની કરેલ પૂર્તિ દર્શાવે છે.

नमो नमो निम्नत दंशणस्स
पंचम गणधर श्री सुधर्मास्वामिने नमः

८ अंतगडदसाओ

अट्ठमं अंगसुत्तं

पढमो वग्गो

—: १-१०—अ ज्झ य णा णि :-

(१) तेणं कालेणं तेणं समएणं चंपा नामं नयरी पुत्रभद्रे वेइए-वण्णओ तेण कालेणं तेणं समएणं अज्जसुहम्मं समोसरिए परिसा निग्गया [धम्मो कहिओ परिसा जाभेव दिसि पाउब्भूया तामेव दिसिं] पडिगया तेणं कालेणं तेणं समेणं अज्जसुहम्मस्स अंतेवासी अज्जजंबू जाव पञ्चुवासमाणे एवं वयासी-जइ णं भंते समणेणं भगवया महावीरेणं आदिकरेणं जाव संपत्तेणं सत्तमस्स अंगस्स उवासगदसाणं अयमट्ठे पत्रते अट्ठमस्स णं भंते अंगस्स अंतगडदसाणं समणेणं भगवया महावीरेणं जाव संपत्तेणं के अट्ठे पत्रते एवं खलु जंबू समणेणं भगवया महावीरेणं जाव संपत्तेणं अट्ठमस्स अंगस्स अंतगडदसाणं अट्ठ वग्गा पत्रत्ता जइ णं भंते समणेणं भगवया महावीरेणं जाव संपत्तेणं अट्ठमस्स अंगस्स अंतगडदसाणं अट्ठ वग्गा पत्रत्ता पढमस्स णं भंते वग्गस्स अंतगडदसाणं समणेणं भगवया महावीरेणं जाव संपत्तेणं कइ अज्झयणा प. एवं खलु जंबू समणेणं भगवया महावीरेणं जाव संपत्तेणं अट्ठमस्स अंगस्स अंतगडदसाणं पढमस्स वग्गस्स दस अज्झयणा पन्नत्ता [तं जहा] 1१-१1-1-1

(२) गोयम समुद्द सागर गंधीरे चेव होइ थिमिए य

अवलै कंपिल्ले खलु अक्खोभ पसेणई विण्हू

11१11-1

(३) जइ णं भंते समणेणं भगवया महावीरेणं जाव संपत्तेणं अट्ठमस्स अंगस्स अंतग-

डदसाणं पढमस्स वग्गस्स दस अज्झयणा पत्रत्ता पढमस्स णं भंते अज्झयणस्स अंतगडदसाणं समणेणं भगवया महावीरेणं जाव संपत्तेणं के अट्ठे पत्रते एवं खलु जंबू तेणं कालेणं तेणं समएणं बारवई नामं नयरी होत्था-दुवालस-जोयणायामा नवजोयणविस्तिण्णा धणवति-मइ-निम्मया चा-मीकर-पागारा नामामणि - पंचवण्ण - कविसीसगमंडिया सुरम्मा अलकापुरि - संकासा पमुदिय-पक्कीलिया पच्चकखं देवलोगभूया पासादीया दरिसणिज्जा अभिरूवा पडिरूवा तीसे णं बारवईए नयरीए थहिया उत्तरपुरत्थिमे दिसीभाए एत्थ णं रेवयए नामं पव्वए-होत्था-वण्णओ तत्थ णं रेवयए पव्वए नंदनवण्णे नामं उज्जाणे होत्था वन्नओ तस्स णं उज्जाणस्स बहुमज्झदेसभाए सुरप्पिए नामं जक्खायतणे होत्था-चिराइए पुव्वपुरिस-पत्रते पोराणे से णं एणेणं वणसंडेणं सव्वओ समंता संपरिक्खिते तस्स णं वणसंडस्स बहुमज्झदेसभाए एत्थ णं महं एणे असोणवरपायवे तत्थ णं बारव-ईए नयरीए कण्हे नामं वासुदेवे राचा परिवसइ-महयारायवण्णओ से णं तत्थ समुहविजय-पामोक्खाणं दसण्हं दसाराणं-बलदेवपामोक्खाणं पंचण्हं महावीराणं पञ्चुण्णपामोक्खाणं अट्ठु-द्वानं कुपाकोडीणं संबपामोक्खाणं सट्ठीए दुहंतसाहस्सीणं महासेणपामोक्खाणं छप्पत्राए बलव-साहस्सीणं वीरसेणपामोक्खाणं एगवीसाए वीरसाहस्सीणं उग्गसेणपामोक्खाणं सोत्तसण्हं राय-

साहस्रीणं रूपिणीपामोक्खाणं सोलसण्हं देवीसाहस्रीणं अनंगसेणापामोक्खाणं अणेगाणं गणि-
यासाहस्रीणं अण्णेसि च बहूणं ईसर-जाव-सत्यवाहाणं वारावईए नयरीए अद्धभरहस्त य समंतस्स
आहेवच्चं जाव विहरइ तत्थ णं वारवईए नयरीए अंधगवण्ही नामं राया परिवसइ-महयाहिमवंत-
महंत-मलय-मंदर-महिंदसारे वण्णओ तस्स णं अंधगवण्हिस्स रण्णे धारिणी नामं देवी होत्थावण्ण
ओ तए णं सा धारिणी देवी अण्णया कयाइ तंसि तारिसर्गंसि सयणिज्जंसि जाव नियगवयणमइवयंतं
सीहं सुविणे पासित्ता णं पडिबुद्धा एवं जहा महब्बले ११-२।१-२

(४) सुमिणइंसण-कहणा जम्मं बालत्तणं कलाओ य

जोत्थण-पणिगगहणं कण्णा पासायभोगा य

॥२॥-२

(५) नवरं-गोयमो नामेणं अट्टण्हं रायवरकण्णाणं एगदिवसेणं पाणि गेण्हावेति अट्टुओ
दाओ तेणं कालेणं तेणं समएणं अरहा अरिद्विनेमी आदिकरे जाव संजमेणं तवसा अप्पाणं भावेमाणे
विहरइ चउव्विहा देवा आगया करहे वि निग्गए तए णं तस्स गोयमस्स कुमारस्स जहा मेहे तथा
निग्गए धम्मं सोच्चा जं नवरं-देवाणुप्पिया अम्मापियरो आपुच्छामि [तओ पच्छा अंतिए मुंडा
भवित्ता अगाराओ अण्णारियं पव्वयापि] तए णं से गोयमे कुमारे एवं जहा मेहे जाव अण्णगारे
जाए इरियासमिए जाव इणमेव निग्गंयं पावयणं पुरओ काउं विहरइ तए णं से गोयमे अण्णया
कयाइ अरहओ अरिद्विनेमिस्स तथासुवाणं घेराणं अंतिए सामाइयमाइयाई एक्कारस अंगाइ
अहिज्जइ अहिज्जिता बहूहिं चउत्थ-[उट्टुम-दसम-जाव विविहेहिं तवोकम्मेहिं अप्पाणं] भावेमाणे
विहरइ तए णं अरहा अरिद्विनेमी अण्णया कयाइ बारवईओ नयरीओ नंदणवणाओ पडिगिक्खमइ
बहिया जणवयविहारं विहरइ तए णं से गोयमे अण्णगारे अण्णया कयाइ जेजेव अरहा अरिद्विनेमी
तेणेव उवागच्छइ उवागच्छित्ता अरहं अरिद्विनेमिं तिक्खुत्तो आयाहिण-पयाहिणं करेइ करेत्ता वंदइ
नमंसइ वंदित्ता नमंसित्ता एवं वयासी-इच्छामि णं भंते तुब्भेहिं अत्थमणुणाए समाणे मासियं
भिक्षुपडिमं उवसंपज्जित्ता णं विहरित्तए एवं जहा खंदओ तथा बारस भिक्षुपडिमाओ फासेइ
गुणरयणं पि तवोकम्मं तहेव फासेइ निरवसेसं जहा खंदओ तथा चिंतेइ तथा आपुच्छइ तथा धेरेहिं
सद्धिं सेतुंजं दुरूहइ [तए णं से गोयमे बारस वासाइ सामन्नपरियाणं पाउणिता मासियाए संलेहणाए
अत्ताणं झुसित्ता सद्धिं भत्ताइ अणसणाए छेदित्ता जाव केवलवरनाणदंसणं समुप्पडेत्ता तओ पच्छा]
सिद्धे ११-१

(६) एवं खलु जंदू समणेणं भगवया महावीरेणं जाय संपतेणं अट्टमस्स अंगस्स अंतग-
डदसाणं पढमस्स वगगस्स पढमस्स अज्जयणस्स अयमट्टे पत्रते एवं जहा गोयमो तथा सेसा अंधग-
वण्ही पिया धारिणी माया समुद्देशारे धिमिए गंभीरे अयले कपिल्ले अक्खोभे पसेणई विण्हू एए
एगमा १२।२

● पट्टे इणे इत्त अण्णपणाणि समत्तानि ● पढमो वर्णो समत्तो ●

वीओ-वर्णो

—: १-८—अ ज्ञ य णा णि :—

(७) जइ [णं भंते समणेणं भगवया महावीरेणं अट्टमस्स अंगस्स अंतगडदसाणं पढमस्स
वगगस्स अयमट्टे पत्रते दोच्चस्स णं भंते वगगस्स अंतगडदसाणं समणेणं भगवया महावीरेणं के अट्टे
पत्रते एवं खलु जंदू समणेणं भगवया महावीरेणं अट्टमस्स अंगस्स अंतगडदसाणं दोच्चस्स वगगस्स

अट्ट अञ्जयणा पत्रता] तेणं कालेणं तेणं समएणं बारवई नामं नयरी होत्था अंधगवण्ही पिया धारिणी माया।३-१।३-१

(८) अक्खोष सागरे खलु समुद्ध हिमवंत अचलनामे य

धरणेय पूरणेय अभिचंदे चेव अट्टम

॥३॥-१

(९) जहा पढमे वगो तहा सव्वे अट्ट अञ्जयणा गुणरयणं तवोकम्मं सोलस वासाइं परिवाओ सेत्तुंजे मासियाए संलेहणाए सिद्धा।३।३

● वीओवणी सप्तो ●

तइओ-वगो

—: प ढ मं अ ञ्ज यणं—अ णी य से :-

(१०) जइ [णं भंते समणेणं भगवया महावीरेणं अट्टमस्स अंगस्स अंतगडदसाणं दोघस्स वग्गस्स अयमट्टे पत्रत्ते तच्चस्स णं भंते वगस्स अंतगडदसाणं समणेणं भगवचा महावीरेणं के अट्टे पत्रत्ते] एवं खलु जबू समणेणं भगवया महावीरेणं अट्टमस्स अंगस्स अंतगडदसाणं तच्चस्स वग्गस्स तेरस अञ्जयणा पत्रत्ता तं जहा-अणीयसे अणंतसेणे अजियसेणे अणिहयरिकु देवेसेणं सत्तुसेणे सारणे गए समुद्धे दुम्महे कूवए दारुए अणाहिट्ठी, जइ णं भंते समणेणं भगवया महावीरेणं अट्टमस्स अंगस्स अंतगडदसाणं तच्चस्स वगस्स तेरस अञ्जयणा पत्रत्ता पढमस्स णं भंते अञ्जयणस्स अंतगडदसाणं के अट्टे पत्रत्ते, एवं खलु जबू तेणं कालेणं तेणं समएणं भदिलपुरे नामं नगरे होत्था-वण्णओ तस्स णं भदिलपुरस्स उत्तरपुत्थिमे दिसीभाए सरिवणे नामं उञ्जाणे होत्था-वण्णओ जियसत्तू राया, तच्च णं भदिलपुरे नवरे नागे नामं गाहावई होत्था-अइट्ठे जाव अपरिभूए तस्स णं नागस्स गाहावइस्स सुलसा नामं भारिया होत्था-सूमाला जाव सुरूवा तस्स णं नागस्स गाहावइस्स पुत्ते सुलसाए भारियाए अत्तए अणीयसे नामं कुमारे होत्था-सूमाले जाव सुरूवे पंचधाइपरिक्खत्ते जहा दट्टपइण्णे जाव गिरिकंदरमल्लीणे विव चंपगवरपायवे निव्वाघायंसि सुहंगुहेणं परिवइद्ध तए णं तं अणीयसं कुमारं सात्तिरेणअट्टवासजायं जाणित्ता अम्मापियरो कलायिरियस्स उदणोति जाव भोग-समत्थे जाए यावि होत्था तए णं तं अणीयसं कुमारं उम्मुक्काबालभावं जाणित्ता अम्मापियरो सरिसियाणं जाव वत्तीसाए इब्भवरकण्णगाणं एगदिवसेणं पाणिं गेण्हावेति तए णं से नागे गाहावई अणीयसस्स कुमारस्स इमं एयारूवं पीइदाणं दलयइ तं जहा-वत्तीस हिरण्णकोडीओ जहा महब्ब-लस्स जाव उष्णि पासायवरगए फुट्टमाणेहिं मुइगमत्थएहिं भोगभोगाई भुंजमाणे विहरइ तेणं कालेणं तेणं समएणं अरहा अरिद्धिनेमी जाव विहरइ परिसा निग्गया तए णं तस्स अणीयसस्स कुमारस्स तं महा [जणसट्ठं च जणकलकलं च सुणेत्ता य पासेत्ता य इमेयारूवे अञ्जत्थिए चित्तिए पत्थिए मणोगए संकपे समुप्पजित्था जहा गोयमे तहा अणगारे जाए] नवरं-सामाइयमाइयाइं चोदसपुब्बाइं अहिजइ वीसं वासाइं परिवाओ सेसं तहेव जाव सेत्तुंजे पव्वए मासियाए संलेहणाए जाव सिद्धे एवं खलुं जबू समणेणं भगवया महावीरेणं अट्टमस्स अंगस्स अंतगडदसाणं तच्चस्स वग्गस्स पढमस्स अञ्जयणस्स अयमट्टे पत्रत्ते।४।४

● तइए वगो पढमं अञ्जयणं सप्तं ●

—: २-६—अ ञ्ज य णा णि :-

(११) एवं जहा अणीयसे एवं सेसा वि अञ्जयणा एककगमा वत्तीसओ दाओ वीसं वासा

परियाओ चोदस पुव्वा सेतुंजे सिद्धा ।५।-६

● तइए धयो ३-६ अञ्जयणाणि सम्पत्तानि ●

—: स त्त मं अ ञ्ज य णं—सा र णे :-

(१२) तेणं कालेणं तेणं समएणं बारवईए नयरीए जहा पढमे नवरं-वसुदेवे राया धारणी देवी सीहो सुमिणे सारणे कुमारे पत्रासओ दाओ चोदस पुव्वा वीसं वासा परियाओ सेसं जहा गोयमस्त जाव सेतुंजे सिद्धे ।६-१।-६-१

● तइए वयो सत्तयं अञ्जयणं सम्पत्तं ●

—: अ ञ्ज य णं—ग ए :-

(१३) जइ उक्खेवओ अट्टमस्स एवं खलु जंबू तेणं कालेणं तेणं समएणं समएणं बारवईए नयरीए जहा पढमे जाव अरहा अरिद्धिनेमी समोसढे तेणं कालेणं तेणं समएणं अरहओ अरिद्धि-नेमिस्स अंतेवासी छ अणगारा भायरो सहोदरा होत्था-सरिसया सरित्ताया सरिव्वया नीलुप्पल-गवल-गुलिय-अयसिकुसुमप्पगासा सिरिव्छंकि-वच्छ कुसुम-कुंडलभदलया नलकूबर समाणा तए णं ते छ अणगारा जं वेव दिवसं मुंडा भवित्ता अगाराओ अणगारियं पव्वइया तं वेव दिवसं अरहं अरिद्धिनेमिं वंदंति नमंसंति वंदित्ता नमंसित्ता एवं वयासी-इच्छामो णं भंते तुब्बेहिं अब्बणुण्णाया समाणा जावज्जीवाए छट्ठंछट्ठेणं अणिक्खित्तेणं तवोकम्पेणं संजमेणं तयसा अप्पाणं भावेमाणा विहरित्तए अहासुहं देवाणुप्पिया मा पडिबंभं करेह तए णं ते छ अणगारा अरहया अरिद्धिनेमिणा अब्बणुण्णाया समाणा जावज्जीवाए छट्ठंछट्ठेणं जाव विहरंति तए णं ते छ अणगारा अप्पाया कयाई छट्ठक्खमणपारणधंसि पढमाए पोरिसीए सज्जायंकरंति [बीयाए पोरिसीए झाणं शियायंति तइयाए पोरिसीए अतुरियमवचलमसंभंता मुहपोत्तियं पडिलेहंति पडिलेहिता भायणवत्थाइं पडिलेहंति पडिलेहिता भायणाइं पमअंति पमअित्ता भायणाइं उग्गाहंति उग्गाहेत्ता जेणेव अरहा अरिद्धिनेमी तेणेव उवागच्छंति उवागच्छित्ता अरहं अरिद्धिनेमिं वंदंति नमंसंति वंदित्ता नमंसित्ता एवं वयासी]-इच्छामो णं भंते छट्ठक्खमणस्स पारणाए तुब्बेहिं अब्बणुण्णाया समाणा तिहिं संघाडएहिं बारवईए नयरीए जाव अडित्तए तए णं ते छ अणगारा अरहया अरिद्धिनेमिणा अब्बणुण्णाया समाणा अरहं अरिद्धिनेमिं वंदंति नमंसंति वंदित्ता नमंसित्ता अरहओ अरिद्धिनेमिस्स अंधियाओ सहसंबयणाओ पडिनिक्खमंति पडिनिक्खमिन्ना तिहिं संघाडएहिं अतुरियम जाव अडंति तत्थ णं एगे संघाडए बारवईए नयरीए उच्च-नीय-मज्झिमाइं कुलाइं घरसमुदाणस्स भिक्खायरियाए अडमाणे वसुदेवस्स रण्णो देवईए देवीए गेहे अनुप्पविट्ठे तए णं सा देवई देवी ते अणगारे एज्जमाणे पासइ-पासित्ता ह्ठ-तुड-चित्तमाणंदिवा पीडमाण्णा परमसोमणस्सिया हरिसवस-विसुप्पमाण हियया आसणाओ अब्बुट्ठेइ अब्बुट्ठेत्ता सत्तट्ठ पदाइं अनुगच्छइ तिकवुत्तो आयाहिण-पयाहिणं करेइ करेत्ता वंदइ नमंसइ वंदित्ता नमंसित्ता जेणेव भत्तधरए तेणेव उवागया सीहकेसराणं मोयगाणं थालं भरेइ ते अणगारे पडिताभेइ वंदइ नमंसइ वंदित्ता नमंसित्ता पडिविसज्जेइ तयणंतरं च णं दोच्चे संघाडए बारवईए [नयरीए उच्च-नीय-मज्झिमाइं कुलाइं घरसमुदाणस्स भिक्खायरियाए अडमाणे वसुदेवस्स रण्णो देवईए देवीए गेहे अनुप्पविट्ठे तए णं सा देवई देवी ते अणगारे एज्जमाणे पासइ पासित्ता हइतुड्ढा आसणाओ अब्बुट्ठेइ अब्बुट्ठेत्ता सत्तट्ठ पदाइं अननुगच्छइ तिकवुत्तो आयाहिण-पयाहिणं करेइ करेत्ता वंदइ नमंसइ वंदित्ता नंसित्ता जेणेव भत्तधरए तेणेव उवागया सीहकेसराणं मोयगाणं थालं

भरेइ ते अणगारे पडिलाभेइ वंदइ नमंसइ वंदिता नमंसिता। पडिविसज्जेइ तयाणंतरं च णं तच्छे संधाडए बारवईए नगरीए जाव पडिलाभेइ पडिलाभेता एवं वयासी-किण्णं देवाणुप्पिया कण्हस्स वासुदेस्स इमीसे बारवईए नगरीए नवजोयणवित्थिण्णाए जाव पच्चक्खं देवलोगभूयाए समणा निग्गथा उच्च-नीय-मज्झिमाइ कुलाइं घरसमुदाणस्स भिक्खारियाए। अडमाणा भत्तपाणं नो लभंति जण्णं ताइं चेव कुलाइं भत्तपाणाए भुज्जो-भुज्जो अनुप्पविसंति

तए णं ते अणगारा देवइं देवि एवं वयासी-नो खलु देवाणुप्पिया कण्हस्स वासुदेवस्स इमी-से बारवईए नगरीए जाव देवलोगभूयाए समणा निग्गथा उच्च-नीय मज्झिमाइ कुलाइं घरसमु-दाणस्स भिक्खारियाए। अडमाणा भत्तपाणं नो लभंति नो चेव णं ताइं चेव कुलाइं तदोच्चं पि तच्चं पि भत्तपाणाए अनुपविसंति एवं खलु देवाणुप्पिए अन्हे भदिलपुरे नगरे नागस्स गाहावइस्स पुता सुलसाए भारियाए अत्तया छ भायरो सहोदरा सरिसया जाव नलकूबर-समाणा अरहओ अरिद्ध-नेमिस्स अंतिए धम्मं सोच्चा संसारभउच्चिगा भीया जम्पणमरणणं मुंडा [भविता अगाराओ अणगारियं] पच्चइया तए णं अन्हे जं चेव दिवसं पच्चइआ तं चेव दिवसं अरह अरिद्धनेमिं वंदामो नमंसामो इमं एयारूवं अभिग्गहं ओगिण्हाओ-इच्छाओ णं भंते तुब्भेहिं अब्भणुण्णाया समाणा [जावज्जीवाए छट्ठंछट्ठेणं अणिक्खत्तेणं तवोकम्भेणं संजमेणं तवसा अप्पाणं भावेमाणा विहरित्तए] अहासुहं तए णं अन्हे अरहया अरिद्धनेमिणा अब्भणुण्णाया समाणा जावज्जीवाए छट्ठंछट्ठेणं जाव विहरामो तं अन्हे अज्ज छट्ठकूखमणपारणयंसि पढमाए पोरिसीए सज्झायं करेत्ता जाव अडपाणा तव गेहं अनुप्पविट्ठा तं नो खलु देवाणुप्पिए ते चेव णं अन्हे, अन्हे णं अण्णे, देवइं देविं एवं वदंति वदित्ता जामेव दिसं पाउच्चभूया तामेव दिसं पडिगया तए णं तीसे देवइए देवीए अयमेयारूवे अज्झत्थिए चिंतिए पत्थिए मणोगए संकप्ये समुप्पण्णे-एवं खलु अहं पोलासपुरे नगरे अतिमुत्तेणं कुमारसमणेणं बालत्तणे वागरिआ-त्तुमण्णं देवाणुप्पिए अट्ट पुत्ते पयाइस्ससि सरिसए जाव नलकूबर-समाणे नो चेव णं भारहे वासे अण्णाओ अम्मयाओ तारिसए पुत्ते पयाइस्संति तं णं मिच्छा इमं णं पच्चक्खमेव दिस्सइ-भरहे वासे अण्णाओ वि अम्मयाओ खलु एरिसए पुत्तो पयायाओ तं गच्छामि णं अरहं अरिद्धनेमिं वंदापि वंदित्ता इमं च णं एयारूवं वागरणं पुच्छिस्साभीत्ति कट्टु एवं संपेहेइ संपेहेत्ता कोडुंबियपुरिसे सद्दावेइ सद्दावेत्ता एवं वयासी-[खिप्पामेव भो देवाणुप्पिया धम्मियं जाणप्पचरं जुत्तामेव उवट्टवेह ते वि तहेव] उवट्टवेत्ति जहा देवाणंदा जाव पज्जुवासइ तए णं अरहा अरिद्धनेमी देयइ देविं एयं वयासी-से नूणं तव देवइ इमे छ अणगारे पासित्ता अयमेयारूवे अज्झत्थिए चिंतिए पत्थिए मणोगए संकप्ये समुप्पण्णे-एवं खलु अहं पोलासपुरे नगरे अट्टमुत्तेणं कुमारसमणेणं बालत्तणे वागरिआ तं चेव जाव निग्गच्छित्ता मम अंतियं हव्वमागयासे नूणं देवइ अट्टे समट्टे हंता अत्थि

एवं खलु देवाणुप्पियए तेणं कालेणं तेणं समएणं भदिलपुरे नगरे नगरे नामं गाहावइं परिवसइ-अट्टे तस्स णं नागस्स गाहावइस्स सुलसा नामं भारिया होत्था तए णं सा सुलसा गाहावइणी बालत्तणे चेव नेमित्तिएणं वागरिया-एस णं दारिया निदू भविस्सइ तए णं सा सुलसा बालप्पभिइं चेव हरि-नेगमेसिस्स पडिमं करेइ करेत्ता कल्लकल्लिं पहाया कयवत्तिकम्पा [कयकोउय-मंगल]-पायच्छित्ता उल्लपडसाडया महरिहं पुक्कण्णं करेइ करेत्ता जण्णुपायपडिया पणामं करेइ करेत्ता तओ पच्च आहारेइ वा नीहारेइ चरइ वा तए णं तीसे सुलसाए गाहावइणीए भत्तिब-हुमाणुस्सूसाए हरि-नेगमेसी देवे आराहिए यावि होत्था तए णं से हरि-नेगमेसी देवे सुलसाए

गाहावइणीए अनुकंपणइयाए सुलसं गाहावइणिं तुमं च दो वि समउउयाओ करेइ तए णं तुब्बे दो वि समावेव गब्बे गिण्हह समावेव गब्बे परिवहह समावेव दारए पयायइ तए णं सा सुलसा गाहावइणी विणिहायमावण्णे दारए पयायइ तए णं से हरिनेगमेसी देवे सुलसाए गाहावइणीए अनुकंपणइयाए विणिहायमावण्णे दारए करयल-संपुडेणं गेण्हइ गेण्हिता तव अंतियं साहरइ तं समयं च णं तुमं पि नवण्हं मासाणं सुकुमालदारए पसवसि जे वि य णं देवाणुप्पिए तव पुत्ता ते वि य तव अंतिआओ करयल-संपुडेणं गेण्हइ गेण्हिता सुलसाए गाहावइणीए अंतिए साहरइ तं तव चैव णं देवइ एए पुत्ता नो सुलसाए गाहावइणीए तए णं सा देवइ देवी अरहओ अरिद्धनेमिस्स अंतिए एयमइ सोच्चा निसम्म जाव-हियया अरहं अरिद्धनेमि वंदइ नमंसइ वंदित्ता नमंसित्ता जेणेव ते छ अणगारा तेणेव उवागच्छइ उवागच्छित्ता ते छप्पि अणगारे वंदइ नमंसइ वंदित्ता नमंसित्ता आगयपण्हया पप्युय-लोचणा कंचुयपरक्खित्तया दरियवल्ल-वाहा धाराहय-कलंव-पुप्फगं विव समूससिय-रोमकूवा ते छप्पि अणगारे अणिमिसाए दिट्ठीए पेहमाणी-पेहमाणी सुचिरं निरिक्खइ निरिक्खित्ता वंदइ नमंसइ वंदित्ता नमंसित्ता जेणेव अरहा अरिद्धनेमी तेणेव उवागच्छइ उवागच्छित्ता अरहं अरिद्धनेमिं तिवसुतो आयाहिण-पयाहिणं करेइ जाव नमंसित्ता तमेव धम्मियं जाणप्पवरं दुरुहइ दुरुहित्ता जेणेव बारवइ नयरी तेणेव उवागच्छइ उवागच्छित्ता बारवइं नयरीं अनुप्पविसइ अनुप्पविसित्ता जेणेव सए गिहे बाहिरिया उवट्ठाणसाला तेणेव उवागया धम्मयाओ जाणयवराओ पद्योरूहइ पद्योरूहित्ता जेणेव सए वासधरे जेणेव सए सयणिञ्जे तेणेव उवागया सयंसि सयणिञ्जंसि निसीयइ

तए णं तीसे देवइए देवीए अयं अज्झत्थिए चित्तिए पत्थिए मणोगए संकप्पे समुप्पन्ने-एवं खलु अहं सरिसए जाव नलकूबर-समाणे सत्त पुत्ते पयाया नो चैव णं मए एगस्स वि बालत्तणए समणुब्भूए एस वि य णं कण्हे वालसुदेवे छण्हं-छण्हं मासाणं ममं अंतियं पायवंदए हव्वमागच्छइ तं धण्णाओ णं ताओ अम्मयाओ पुत्राओ णं ताओ अम्मयाओ कयपुत्राओ णं ताओ अम्मयाओ कयलक्खणाओ णं ताओ अम्मयाओ जांसि मण्णे नियग-कुच्छि-संपुयाइं थणदुद्ध-तुद्धयाइं म्हुर-समुल्लावयाइं मम्मण-पंजपियाइं थण-मूला कक्खदेसभागं अभिसरमाणाइं मुद्धयाइं पुणो य कोमल-कमललोचमेहिं हत्थेहिं गिण्हिऊण उच्छंगे निवेसियाइं देति समुल्लावए सुमहुरे पुणो-पुणो मंजु-लप्यमणिए अहं णं अधण्णा अपुण्णा अकयपुत्रा अकयलक्खणा एत्तो एक्कतरमवि न पत्ता-ओहय [मणसंकप्पा करयलपल्हत्थमुही अइज्ञाणोवगया] झियायइ इमं च णं कण्हे वासुदेवे ण्हाए जाव विमूसिए देवइए देवीए पायवंदए हव्वमागच्छइ तए णं से कण्हे वासुदेवे देवइं देविं पासइ पासित्ता देवइए देवीए पायगहणं करेइ करेत्ता देवि एवं वयासी-अण्णया णं अम्मो तुब्बे ममं पसेत्ता हट्ठतुट्ठा जाव भवह किण्णं अम्मो अज्ज तुब्बे ओहयमणसंकप्पा जाव झियायह तए णं सा देवइ देवी कण्हं वासुदेवं एवं वयासी-एवं खलु अहं पुत्ता सरिसए जाव नलकूबर-समाणे सत्त पुत्ते पयाया नो चैव णं मए एगस्स वि बालत्तणे अनुब्भूए तुमं पि य णं पुत्ता छण्हं-छण्हं मासाणं ममं अंतियं पायवंदए हव्वमागच्छसि तं धण्णाओ णं ताओ अम्मयाओ जाव झियामि तए णं से कण्हे वासुदेवे देवइं देवि एवं वयासी-मा णं तुब्बे अम्मो ओहयमणसंकप्पा जाव झियायह अहण्णं तहा घइस्सामि जहा णं ममं सहोदरे कणीयसे भाउए भविससति ति कट्ठु देवइ देविं तार्हिं इट्ठार्हिं वण्णूहिं समासासेइ तओ पडिणिक्खमइ पडिणिक्खिमित्ता जेणेव पोसहसाला तेणेव उवागच्छइ उवागच्छित्ता जहा अभओ नवरं हरिणेगमेसिस्स अट्ठम भत्तं पणेण्हइ जाव अंजलिं कट्ठु एवं वयासी-इच्छामि णं देवाणुप्पिया

सहोदरं कणीयसं भाउयं विदिण्णं तए णं से हरि-नेगमेसी कण्हं वासुदेवं एवं ययासी-होहिइ णं देवाणुपिया तव देवलोयचुए सहोदरे कणीयसे भाउए से णं उम्मुक्क [बालभावे विण्णय परिण-यमेत्ते जोव्वणग] मणुपत्ते अरहओ अरिद्धनेमिस्स अंतियं मुंडे [भविता अगाराओ अणगारियं] पव्वइस्सइ-कण्हं वासुदेवं दोच्चं पि तच्चं पि एयं वदइ वदिता जामेव दिसं पाउब्भूए तामेव दिसं पडिगए

तए णं से कण्हे वासुदेवे पोसहसालाओ पडिनिवत्तइ पडिनिवत्तिता जेणेव देवई देवी तेणेव उवागच्छइ उवागच्छिता देवईए देवीए पायगहणं कोइ करेत्ता एवं ययासी-होहिइ णं अम्मो मम सहोदरे कणीयसे भाउए ति कट्टु देवईं देविं ताहिं इट्ठाहिं कंताइ पियाहिं मणुणाहिं मणामाहिं वण्णुहिं आसासेइ आसासेता जामेव दिसं पाउब्भूए तामेव दिसं पडिगए तए णं सा देवई देवी अन्नया कयाइं तंसि तारिसगंसि वासघरंसि जाव सीहं सुमिणे पासिता पडिवुद्धा जाव गब्भं परिवहइ तए णं सा देवई देवी नवण्हं मासाणं जासुमण-रत्तबंधुजीवय-लक्खारस-सरसपारिजातक-तरुणदिवायर-समम्भं सव्वणयणकंत-सुकुमालपाणिपायं जाव सुरूवं गयतालुसमाणं दारयं पयाया जम्मणं जहा मेहकुमारे जाव जन्हा णं अहं इमे दारए गयतालुसमाणे तं होउ णं अहं एयस्स दारगस्स नामधेज्जे गयसुकुमाले तए णं तस्स दारगस्सअम्मापियरो नामं कयं-गयसुकुमालो ति सेसं जहा मेहे जाव अलंभोगसमत्थे जाए यावि होत्या तत्थ णं बारवईए नयरीए सोमिले नाम माहणे परिवसइ-अड्ढे रिउव्वेय जाव वंमण्णएसु य सत्थेसु सुपरिणिट्ठिए यालववि होत्या तस्स सोमिल-माहणस्स सोमसिरी नामं माहणी होत्या-सुकुमालपाणिपाया तस्स णं सोमिलस्स धूया सोमसिरीए माहणीए अरया सोमा नामं दारिया होत्या-सुकुमालपाणिपाया जाव सुरुवा रूवेणं [जोव्वणेणं] लावण्णेणं उक्किक्का उक्किक्क-इसरिरीया यावि होत्या तए णं सा सोमा दारिया अण्णया कयाइ ण्हाया जाव विभूसिया बहूहिं खुज्जाहिं जाव महत्ताविद-परिक्खिता सयाओ गिहाओ पडिणिकखमइ पडिणिकखमिता जेणेव रायमगे तेणेव उवागच्छइ उवागच्छिता रायमगंसि कण्णतिंदूसएणं कीलमाणी चिट्ठइ तेणं कालेणं तेणं समएणं अरहा अरिद्धनेमी समोसडे परिसा निग्गया तए णं से कण्हे वासुदेवे इमीसे कहाए लच्छइ समाणे ण्हाए जाव विभूसिए गयसुकुमालेणं कुमारेणं सद्धि हत्थिखंधवरगए सकोरेंटमल्लदामेणं छत्तेणं धरिज्जमाणेणं सेयवरचामराहिं उट्टुव्वमाणीहिं बारवईए नयरीए मज्झंमज्जेणं अरहओ अरिद्धनेमिस्स पायवंदए नग्गच्छमाणे सोमं दारियं पासइ पासिता सोमाए दारियाए रूवेण य जोव्वणेण य लावण्णेण य जायविन्हेए कोडुंबियपुरिसे सदावेइ सदावेत्ता एवं वयासी-गच्छह णं तुब्भे देव्युपिया सोमिलं माहणं जायित्ता सोमं दारियं गेण्हह गेण्हिता कण्णतेउरंसि पक्खिवह तए णं एसा गयसुकुमालस्स कुमारस्स भारिया भविस्सइ तए णं कोडुंबियपुरिसा तेव पक्खिवन्ति

तए णं से कण्हे वासुदेवे बारवईए नयरीए मज्झंमज्जेणं निग्गच्छइ निग्गच्छिता जेणेव सहसंबवणे उज्जाणे [जेणेव अरहा अरिद्धनेमी तेणेव उवागच्छइ उवागच्छिता अरहं अरिद्धनेमिं तिक्वुत्तो आयाहिण-पयाहिणं कोइ जाव] पज्जुवासइ तए णं अरहा अरिद्धनेमी कण्हस्स वासुदेवस्स गयसुकुमालस्स कुमारस्स तीसे य [महतिमहालियाए महच्चपरिसाए चाउज्जामं थम्मं कहेइ तं जहा-सव्वाओ पाणाइवायाओ वेरमणं सव्वाओ मुसावायाओ वेरमणं सव्वाओ अदिन्नादाणाओ वेरमणं सव्वाओ पहिगहातो वेरमणं] कण्हे पडिगए तए णं से गयसुकुमाले अरहओ अरिद्धनेमिस्स अंतिए थम्मं सोच्चा [निसम्मं हट्टुट्टे अरहं अरिद्धनेमिं तिक्वुत्तो आयाहिण-पयाहिणं कोइ करेत्ता वंदइ

नमंसइ वंदिता नमंसिता एवं वयासी-सहहामि णं भंते निगंथं पावयणं पत्तियामि णं भंते निगंथं पावयणं रोएमि णं भंते निगंथं पावयणं अब्बुडेमि णं भंते निगंथं पावयणं एवमेयं भंते तहमेयं भंते अवितहमेयं भंते इच्छमेयं भंते पडिच्छिमेयं भंते इच्छिय-पडिच्छमेयं भंते से जहेयं तुब्बे वयह नवरि देवाणुप्पिया अम्मापियरो आपुच्छामि तओ पच्छा मुंडे भवित्ता णं अगाराओ अणगारियं पव्वइस्सामि अहासुहं देवाणुप्पिया मा पडिवंधं करेहि तए णं से गयसुकुमाले अरहं अरिडुनेमि वंदइ नमंसइ वंदिता नमंसिता जेणामेव हत्थिरयणे तेणामेव उवागच्छइ उवागच्छित्ता हत्थिखंधवरगए महवाभड-चुडगर-पहकरणं वारवईए नयरीए मज्झमज्झेणं जेणामेव सए भवणे तेणामेव उवा-गच्छइ उवाच्छित्ता हत्थिखंधाओ पच्चोरुहइ पच्चोरुहित्ता जेणामेव अम्मापियरो तेणामेव उवागच्छइ उवागच्छित्ता अम्मापिऊणं पायवडणं करेइ करेत्ता एवं वयासी-एवं खलु अम्मयाओ मए अरहओ अरिडुनेमिस्स अंतिए धम्मे निसंते से वि म मे धम्मे इच्छिए पडिच्छिए अभिरुइए तए णं तस्स गयसुकुमालस्स अम्मापियरो एवं वयासी-धन्नेस तुपं जाया संपुत्रोसि तुमं जाया कयत्थोसि तुमं जाया कयलक्खणोसि तुमं जाया जणं तुं अरहओ अरिडुनेमिस्स अंतिए धम्मे निसंते जाव अभिरु-इए तए णं से गयसुकुमाले अम्मापियरो दोच्चं पि एवं वयासी-एवं खलु अम्मयाओ मए अरहओ अरिडुनेमिस्स अंतिए धम्मे निसंते जाव अभिरुइए तं इच्छामि णं अम्मयाओ तुब्बेहिं अब्बणुण्णाए समाणे अरहओ अरिडुनेमिस्स अंतिए मुंडे भवित्ता णं अगाराओ अणगारियं पव्वइत्ताए

तए णं सा देवई देवी तं अणिट्ठं अकतं अप्पियं अमणुणं अमणामं असुयपुवं फरुसं गिरं सोच्चा निसम्म इमेणं एयारूवेणं मणोमाणसिएणं महया पुत्तदुक्खेणं अभिभूया समाणी सेयागय-रोभकूवपगलंत-चिलिगगाया सोयभर-पवेविचंगी नितेया दीण-विमण-वयणा करयल-भलिय च्च कमलमाला तक्खणओलुग्गदुब्बलसरीरलावण्णासुन्न-निच्छय-गयसिरीया पसिदिलभूसण-पडंत-खुम्मिय-संचुण्णियधवलवलय-पब्बट्ट-उत्तरिज्जा सुमाल- विकिण्णकेस- हत्था मुक्खावस-नड्ढवेय-गारुई परसुनियत्त च्च चंपगलया निव्वत्तमेहे वव्व इंदलट्ठी विमुक्कसंधि-बंधणा कोट्ठिमत्तलंसि सव्वंगेहिं धसत्ति पडिया तए णं सा देवई देवी ससंभमोवत्तियाए तुरियं कंचर्णाभिगारमुहविणिग्गय-सियलजलविमलधाराए परिसिचमाणनिव्ववियगायलट्ठी उक्खेवय-तालविट-वीयणग-जणियवा-एणं सफुसिएणं अंतेउर-परिजणेणं आसासिया समाणी मुत्ताबलि-सत्रिगास-पवडंत-अंसुधाराहिं सिचमाणी पओहरे कलुण-विमण-दीणा रोय-माणी कंदमाणी तिप्पमाणी सोयमाणी विलवमाणी गयसुकुमालं कुमारं एवं वयासी-तुमं सि णं जाया अहं एगे पुत्ते इट्ठे नो खलु जाया अहे इच्छामो खणमवि विष्पओगं सहित्तए तं भुंजाहिं ताव जाया विपुले माणुस्सए कामभोगे जाय ताव वयं जीवामो तओ पच्चा अहेहिं कालगएहिं परिणयवए वडिडिय-कुलवंसतंतुकज्जमि निरावयक्खे अरहओ अरिडुनेमिस्स अंतिए मुंडे भवित्ता अगाराओ अणगारियं पव्वइस्ससि तए णं से गयसु-कुमाले अम्मापिऊहिं एवं वुत्ते समाणे अम्मापियरो एवं वयासी-तहेव णं तं अम्मो जहेव णं तुब्बे ममं एवं वयह-तुमं सि णं जाया अहं एगे पुत्ते अहेहिं कालगहिं परणयवए वडिडिय-कुलवंसतंतु कज्जमि निरावयक्खे अरहओ अरिडुनेमिस्स अंतिए मुंडे भवित्ता अगाराओ अणगारियं पव्वइस्ससि एवं खलु अम्मयाओ माणुस्सए भवे अधुवे अणितिए असासए वसणसओवहवाभिभूते विजुलयाचंचले अणिच्चे जलदुब्बुयसमाणे कुसग्गजलबिंदुसत्रिभे संझ्झरागसरिसे सुविणदंसणोवमे सडण-पडण-विट्ठंसण-धम्मे पच्छा पुरं च णं अवस्सविष्पजहणिच्चे से के णं जाणइ अम्मायाओ के पुच्चि गमणाए

के पच्छा गमणाए तं इच्छामि णं अम्मावाओ तुम्मेहिं अब्बगुण्णाए समाणे अरहओ अरिद्वनेमिस्स अंतिए मुंडे भविता णं अगाराओ अणगारियं पव्वइत्तए

तए णं तं गयसुकुमालं कुमारं अम्मापियरो एवं वयासी-इमे य ते जाया अज्जयपज्जयपिउ-पज्जवागए सुवहु हिरण्णे य सुवण्णे य कंसे य दूसे य पणि-मोत्तिय-संख-सिल-प्पवाल-रत्तरयण-संतसारसावएजे य अलाहि जाव आसत्तमाओ कुलवंसाओ पगामं दाउं पगामं भोतुं पगामं परि-भाएउं तं अनुहोही ताव जाया विपुलं माणुस्सगं इड्ढिसक्कारसमुदयं तओ पच्छा अनुभूयकल्लाणे अरहओ अरिद्वनेमिस्स अंतिए मुंडे भविता अगाराओ अणगारियं पव्वइस्ससि तए णं से गयसुकुमाले अम्मापियरं एवं वयासी-तहेव णं तं अम्मायाओ जं णं तुम्मे ममं एवं वयह-इमे ते जाया जाव विपुलं माणुस्सगं इड्ढिसक्कारसमुदयं तओ पच्छा अनुभूयकल्लाणे अरहओ अरिद्वनेमिस्स अंतिए मुंडे भविता अगाराओ अणगारियं पव्वइस्ससि एवं खलु अम्मायाओ हिरण्णे य जाव सावएजे य अग्गिसाहिए चोरसाहिए रायसाहिए दाइयसाहिए मच्चुसाहिए अग्गिसामण्णे चोर-समाण्णे रायसामण्णे दाइसामण्णे मच्चुसामण्णे सडण-पडण-विद्धंसणधम्मो पच्छा पुरं च णं अवस्स-विप्पजहण्णजे से के णं जाणइ अम्मायाओ के पुब्बि गमणाए के पच्छा गमणाए तं इच्छामि णं अम्मायाओ तुम्मेहिं अब्बगुण्णाए समाणे अरहओ अरिद्वनेमिस्स अंतिए मुंडे भविता अगाराओ अणगारियं पव्वइत्तए तए णं तस्स गयसुकुमालस्स अम्मापियरो जाहे न संचारंति गयसुकुमालं कुमारं वहूहिं विसयाणुलोमाहिं आधवणाहिं य पन्नवणाहिं य सण्णावणाहिं य विण्णवणाहिं य आघवित्तए वा पन्नवित्तए वा सण्णवित्तए वा विण्णवित्तए वा ताहे विसयपडिक्कूलाहिं संजमभ-उव्वेयकारियाहिं पन्नवणाहिं पन्नवेमाणा एवं वयासी-एस णं जाया निगंथे पावयणे सच्चे अनुतरे केवलिए पडिपुत्रे नेयाउए संसुद्धे सल्लगतणे सिद्धिमग्गे भुत्तिमग्गे निज्जाणमग्गे निव्वाणमग्गे सब्बदुककप्पहीणमग्गे अहीव एणंतदिट्ठिए खुरो इव एणंतधाराए लोहमया इव जवा चावेयव्वा वालुयाकवले इव निरस्साए गंगा इव महानई पडितोयगमणाए महासमुद्धो इव भुयाहिं दुत्तरे तिक्खं कमियव्वं गरुअं लंबेयव्वं असिधारव्वयं चरियव्वं नो खलु कप्पइ जाया समणाणं निगंथाणं आहाकम्मिए वा उद्देसिए वा कीयगडे वा ठविए वा रइए वा दुब्बिक्खभत्ते वा कंतारभत्ते वा वट्ठलियाभत्ते वा गिलाणभत्ते वा मूलभोयणे वा कंदभोयणे वा फलभोयणे वा बीवभोयणे वा हरियभोयणे वा भोत्तए वा पायए वा तुमं च णं जाया सुहसमुच्चिए नो चेव णं दुहसमुच्चिए नालं सीयं नालं उण्हं नालं खुहं नालं पिवासं नालं वाइय-पित्तिय-सिंभिय-सत्तिवाइए विविहे रोगायंके उच्चावए गामकंटए बावीसं परीसहोवसग्गे उदिण्णे सम्मं अहियासित्तए भुंजाहि ताव जाया माणुस्सए कामभोगे तओ पच्छा भुत्तभोगी अरहओ अरिद्वनेमिस्स अंतिए मुंडे भविता अगाराओ अणगारियं पव्वइस्ससि

तए णं से गयसुकुमाले कुमारं अम्मापऊहिं एवं वुत्ते समाणे अम्मापियरं एवं वयासी-तहेव णं तं अम्मायाओ जं णं तुम्मे ममं एवं वयह-एस णं जाया निगंथे पावयणे सच्चे अनुतरे जाव सब्बदु-ककप्पहीणमग्गे अहीवएणंतदिट्ठिए खुरो इव एणंतधाराए जाव महासमुद्धो इव भुयाहिं दुत्तरे तिक्खं कमियव्वं गरुअं लंबेयव्वं असिधारव्वयं चरियव्वं नो खलु कप्पइ जाया समणाणं निगंथाणं आहाकम्मिए वा उद्देसिए वा जाव हरियभोयणे वा भोत्तए वा पायए वा तुमं च णं जाया सुहसमुच्चिए नो चेव णं दुहसमुच्चिए नालं सीयं नालं उण्हं नालं खुहं नालं पिवासं नालं वाइय-पित्तिय-सिंभिय-

सत्रिवाइए विविहे रोगायंके उद्याए गामकटए बावीसं परीसहोवसण्णे उदिण्णे सम्मं अहियासित्ताए भुंजाहि ताव जाया माणुस्सए कामभोगे तओ पच्छा भुत्तभोगी अरहओ अरिद्धनेमिस्स अंतिए मुंडे भविता अगाराओ अणगारियं पव्वइस्ससि एवं खलु अम्मयाओ निगंथे पावयणे कीवाणं कायरणं कापुरिसाणं इहलोगपडिबद्धाणं परलोगनिष्पिवासाणं दुरणुचरे पावयजणस्स नो चेव णं धीरस्स निच्छियववसियस्स एत्य किं दूक्करंणयाए तं इच्छामि णं अम्मयाओ तुम्भेहिं अद्मणुण्णाए समाणे अरहओ अरिद्धनेमिस्स अंतिए मुंडे भविता अगाराओ अणगारियं पव्वइत्ताए] तए णं से कण्हे वासुदेवे इमीसे कहाए लद्धे समाणे जेणेव गयसुकुमाले तेपेव उवागच्छइ उवाच्छित्ता गयसुकुमालं आलिंगइ आलिगित्ता उच्छंणे निवेसेइ निवेसेत्ता एवं वयासी-तुमं णं ममं सहोदरे कणीयसे भाया तं मा णं तुं देवाणुप्पिया इयाणिं अरहओ मुंडे पच्चाहिं अहण्णं तुमे वारवईए नयरीए महया-महया रायाभिसेएणं अभिसिंचिस्सामि तए णं से गयसुकुमाला कण्हेणं वासुदेवेणं एवं वुत्ते समाणे तुसिणीए संचिद्धइ तए णं से गयसुकुमाले कण्हं वासुदेवं अम्मापियरो व दौद्यं पि तद्यं पि एवं वयासी- एवं खलु देवाणुप्पिया माणुस्सया [कामभोगा असुई वंतासवा पित्तासवा खेलासवा सुक्कासवा सोणियासवा दुरुय-उत्सास-नीसास दुरुय-मुत्त-पुरीस-पूय-बहुपडिपुजा उच्चार-पासवण-खेल-सिंघाणग वंत-पित्त-सुकूक-सोणियसंभवा अधुवा अणितिया असासया सडणपडण-विद्धंसण-धम्मा पच्छा पुरं च णं अवस्स] विष्णजहणित्ता से केणं जाणइ देवाणुप्पिया के पुब्बिं गमणाए के पच्छा गमणाए तं इच्छामि णं देवाणुप्पिया तुम्भेहिं अद्मणुण्णाए समाणे अरहओ अरिद्धनेमिस्स अंतिए जाव पव्वइत्ताए

तए णं तं गयसुकुमालं कण्हे वासुदेवे अम्मापियरो व जाहे नो संचाएइ बहुयाहिं अनुलोमाहि जाव आयचित्ताए वा पत्रवित्ताए वा सण्णवित्ते वा विण्णवित्ताए वा ताहे अक्कागाईं चेव गयसुकुमालं कुमारं एवं वयासी-तं इच्छामो णं ते जाया एगदिवसमवि रज्जसिरिं पासित्ताए [तए णं गयसुकुमाले कुमारे कण्हं वासुदेवं अम्मापियरं च अनुवत्तमाणे तुसिणीए संचिद्धइ तए णं कण्हे वासुदेवे कोडुंबियपुरिसे सद्दावेइ सद्दावेत्ता एवं वयासी-खिप्पामेव भो देवाणुप्पिया गयसुकुमालस्स महत्थं महग्धं महरिहं विउलं रायाभिसेयं उवइवेह तए णं कोडुंबियपुरिसा गयसुकुमालस्स कुमारस्स महत्थं महग्धं महरिहं विउलं रायाभिसेयं उवइवेत्ति तए णं से कण्हे वासुदेवे गयसुकुमालं कुमारं महया-महया रायाभिसेएणं अभिसिंचइ अभिसिंचित्ता एवं वयासी-जय-जय नंदा जय-जय भद्दा जय-जय नंदा मइं ते अजियं जिणाहिं जियं पालयाहि जियमज्जे वसाहि इंदो इव देवाणं चमरो इव असुराणं धरणो इव नागाणं चंडो इव ताराणं भरहो इव मणुयाणं वारवईए नयरीए अण्णेसिं च बहूणं गामागर-जाव सण्णिवेसाणं आहेवद्यं पोरेवद्यं सामित्तं भट्ठित्तं महत्तरगतं आणा-ईसर-सेणावद्यं कारेमाणे पालेमाणे महयाहव-नद्ध-गीय-जाव पडुप्पवाइयरवेणं वउलाइ भोगभोगाईं भुंजमाणे विहराहि ति कट्टु जय-जय-सद्दं पउंजंति तए णं से गयसुकुमाले राया जाए जाव रज्जं पसासेमाणे विहरइ तए णं गयसुकुमालं रायं कण्हे वासुदेवे अम्मापियरो व एवं वयासी-मण जाया किं दलयामो किं पयच्छामो किं वा ते हिय-इच्छिए सामत्ये तए णं से गयसुकुमाले राया कण्हं वासुदेवं अम्मापियरो व एवं वयासी-इच्छामि णं देवाणुप्पिया कुत्तियावणाओ रयहरणं पडिग्गहं च आणियं कासवियं च सद्दावियं निक्रवणं जहा महब्बलस्स तए णं से गयसुकुमाले कुमारे अरहओ अरिद्धनेमिस्स अंतिए इमं एयारूवं धम्मियं उवएसं सम्मं पडिबज्जइ-तमाणाए तए गच्छइ तए चिद्धइ तए निसीयइ तए

तुयइइ तए भुंजइ तए भासइ तए उड्वाए उड्वाय पाणेहिं भूएहिं जीवेहिं सत्तेहिं संजमेणं] संजमइ तए णं से गयसुकुमाले अणगारे जाए-इरियासमिए जाव गुतबंभयारी तए णं से गयसुकुमाले जं चेव दिवसं पव्वइए तस्सेव दिवसस्स पच्चावरणहकालसमयंसि जेणेव अरहा अरिद्धनेमी तेणेव उवागच्छइ उवागच्छिता अरहं अरिद्धनेमिं तिक्वुत्तो आयाहिण-पयाहिणं करेइ करेत्ता वंदइ नमंसइ वंदित्ता नमंसित्ता एवं वयासी-इच्छामि णं भंते तुब्भेहिं अब्भणुण्णाए समाणे महाकालंसि सुसाणंसि एगराइयं महापडिमं उवसंपजित्ता णं विहरित्ताए अहासुहं देवाणुण्णिया मा पडिवंधं करेहि तए णं से गयसुकुमाले अणगारे अरहया अरिद्धनेमिणा अब्भणुण्णाए समाणे अरहं अरिद्धनेमिं वंदइ नमंसइ वंदित्ता नमंसित्ता अरहओ अरिद्धनेमिस्स अंतिए सहसंबवणाओ उज्जाणाओ पडिणिक्खमइ पडिणिक्रिवमित्ता जेणेव महाकाले सुसाणे तेणेव उवागए उवागच्छिता थंडिल्लं पडिलेहेइ पडिलेहेत्ता उच्चारपासवणभूमिं पडिलेहइ पडिलेहेत्ता ईसिपअभारगएणं कारणं जाव दो वि पाए साहइ एगराई महापडिमं उवसंपजित्ता णं विहरइ

इमं च णं सोमिले माहणे सामिधेयस्स अट्ठाए बारवईओ नयरीओ बहिया पुव्वणिग्गए समिहाओ य दत्थे य कुसे य पत्तामोडं य गेणहइ गेण्हित्ता तओ पडिणिघत्तइ पडिणिघत्तित्ता महाकालस्स सुसाणस्स अदूरसामंतेणं वीईवयमाणे-वीईवयमाणे संज्ञाकालसमयंसि पविरलमणुस्संसि गयसुकुमालं अणगारं पासइ पासित्ता तं वेरं सरइ सरित्ता आसुरुत्ते रुद्धे कुविए चंडिकिए पिरि-मिसेमाणे एवं वयासी-एस णं भो से गयसुकुमाले कुमारे अपथियि जाव परिवज्जिए जेणं मम धूयं सोमसिरीए भारियाए अत्तयं सोमं दारियं अदिद्धदोसपत्तियं कालवत्तिणिं विष्यजहेत्ता मुंडे जाव पव्वइए तं सेयं खलु मम गयसुकुमालस्स कुमारस्स वेरिनिज्जायणं करेत्ताए-एवं संपेहेइ संपेहेत्ता दिसापडिलेहणं करेइ करेत्ता सरसं मट्ठियं गेणहइ गेण्हित्ता जेणेव गयसुकुमाले अणगारे तेणेव उवा-गच्छइ उवागच्छिता गयसुकुमालस्स अणगारस्स मत्थए मट्ठियाए पालि बंधइ बंधित्ता जलंतीओ विययाओ फुल्लियकिंसुसमाणे खइरिं गाले कहल्लेणं गेणहइ गेण्हित्ता गयसुकुमालस्स अणगारस्स मत्थए पक्खिवइ पक्खिवित्ता भीए तत्थ तसिए उच्चिणे संजायमए तओ खिप्पामेव अवक्कमइ अवक्कमित्ता जामेव दिसं पाउत्थूए तामेव दिसं पडिगए तए णं तस्स गयसुकुमालस्स अणगारस्स सरीरयंसि वेयणा पाउत्थूया-उज्जला जाव दुरहियासा तए णं से गयसुकुमाले अणगारे सोमिलस्स माहणस्स मणसा वि अप्पदुस्समाणे तं उज्जलं जाव दुरहियासं वेयणं अहियासेइ तए णं तस्स गयसुकुमालस्स अणगारस्स तं उज्जलं जाव दुरहियासं वेयणं अहियासेमाणस्स सुभेणं परिणामेमं पसत्थज्जवसाणेणं तदावरणिज्जणं कम्माणं खएणं कम्मरपविकिरणकरं अपुव्वकरणं अनुप-विट्ठस्स अनंते अनुत्त जाव केवलवरणापदंसणे समुप्पत्रे तओ पच्चा सिद्धे जाव सव्वकुक्खप्पहीणे तत्थ णं अहासंनिहिएहिं देवेहिं सम्मं आराहिए त्ति कट्ठु दिव्वे सुरभिगंधोवए वुट्ठे दसद्धवण्णे कुसुमे निवाडिए चेलुक्खेवे कए दिव्वे य गीयगंधव्वणिणाए कए यावि होत्था तए णं से कण्हे बासुदेवे कल्लं पाउत्थभायाए रयणीए जाव उट्ठियन्मि सूरे जाव बारवइं नयरीं मज्झंमज्झेणं जेणेव अरहा अरिद्धनेमी तेणेव पहारेत्थ गमणाए तए णं से कण्हे बासुदेवे बारवईए नयरीए मज्झंमज्झेणं निग्गच्छमाणे एककं पुरिसं-जुण्णं जरा-उज्जरिय-देहं [आउरं झूसियं पिवासियं दुब्बलं] किलंतं महइमहालयाओ इट्ठगरा-सीओ एगमेगं इट्ठं गहाय बहिया रत्थापहाओ अंतोगिहं अनुप्विसमाणं पासइ तए णं से कण्हे बासुदेवे तरस्स पुरिसस्स अनुकंपणट्ठाए हत्थिखंधवरगए चेव एणं इट्ठं गेणहइ गेण्हित्ता बहिया

रत्यापहाओ अंतोगिहं अनुष्पवेसेइ तए णं कण्हेणं वासुदेवेणं एगाए इङ्गाए गहियाए समाणीए अणेगेहिं पुरिससएहिं से पहालए इङ्गास्स रासी बहिया रत्यापहाओ अंतोघरंसि अनुष्पवेसिए तए णं से कण्हे वासुदेवा बारवईए नयरीए मज्झमज्झेणं निगच्छइ निग्गच्छिता जेणेव अरहा अरिद्धनेमि तेणेव उवागए उवागच्छिता जाय बंदइ नमंसइ वंदित्ता नमंसित्ता गयसुकुमालं अणगारं अपासमाणे अरहं अरिद्धनेमिं वंदइ नमंसइ वंदित्ता नमंसित्ता एवं वयासी-कहि णं भंते से ममं सहोदरे कणीयसे माया गयसुकुमाले अणगारे जं णं अहं वंदामि नमंसामि

तए णं अरहा अरिद्धनेमी कण्हं वासुदेवं एवं वयासी-साहिए णं कण्हा गयसुकुमालेणं अणगारेणं अप्पणो अट्टे तए णं से कण्हे वारुदेवे अरहं अरिद्धनेमिं एवं वयासी-कहण्णं भंते गयसु-मालेणं अणगारेणं साहिए अप्पणो अट्टे तए णं अरहा अरिद्धनेमी कण्हं वासुदेवं एवं वयासी-एवं खलु कण्हा गयसुकुमालेणं अणगारेणं ममं कल्लं पञ्चावरण्हकालसमयंसि बंदइ नमंसइ वंदित्ता नमंसित्ता एवं वयासी-इच्छामि णं भंते जाव उवसंपज्जित्ता णं विहरइ तए णं तं गयसुकुमालं अणगारं एणे पुरिसे पासइ पासित्ता आसुरुत्ते [गयसुकुमालस्स अणगारस्स मत्थए मट्टियाए पालिं बंधइ वंधित्ता जाव जामेव दिसं पाउब्भूए तामेव दिसं पडिगए तए णं तस्स गयसुकुमालस्स अणगारस्स सरीरयंसि वेयणा पाउब्भूवा-उज्जला विउसा कक्खडा पगाढा चंडा दुक्का दुरहियासा तए णं से गयसुकुमाले अणगारे तस्स पुरिसस्स मणसा वि अप्पदुस्समाणे तं उज्जलं जाव दुरहियासं वेयणं अहियासेइ तए णं तस्स गयसुकुमालस्स अणगारस्स तं उज्जलं जाव दुरहियासं वेयणं अहियासे-माणस्स सुभेणं परिणामेणं पसत्तज्जवसाणेणं अनंते अनुतरे निव्वाधाए निरावरणे कसिणे पडिपुत्रे केवलवरनाणदंसणे समुप्पत्ते तओ पच्छा] सिद्धे तं एवं वखलु कण्हा गयसुकुमालेणं अणगारेणं साहिए अप्पणो अट्टे तए णं से कण्हे वारुदेवे अरहं अरिद्धनेमिं एवं वयासी-कसं णं भंते से पुरिसे अपत्थियपत्थिए [दुरंत-पंत-लक्खणं हीणपुण्णचाउद्दसिए सिरि-हिरि-थिइ-कित्ति-]परिवज्जिए जेणं ममं सहोदरं कणीयसं भायरं गयसुकुमालं अणगारं अकाले चेव जीवियाओ ववरोवेइ तए णं अरहा अरिद्धनेमी कण्हं वासुदेवं एवं वयासी मा णं कण्हा तुमं तस्स पुरिसस्स पदोसमावज्जहिं एवं खलु कण्हा तेणं पुरिसेणं गयसुकुमालस्स अणगारस्स साहिजे दिण्णे कहण्णं भंते तेणं पुरिसेणं गयसुकुमालस्स अणगारस्स साहिजे दिण्णे, तए णं अरहा अरिद्धनेमी कण्हं वासुदेवं एवं वयासी-से नूणं कण्हा तुमं ममं पायवंदए हव्वमाणच्छमाणे बारवईए नयरीए एणं पुरिसं-पासिसि जाव अनुपवेसिए जहा णं कण्हा तुमे तस्स पुरिसस्स साहिजे दिण्णे एवामेव कण्हा तेणं पुरिसेणं गयसुकुमालस्स अणगारस्स अणेगभव-सयसहस्स-संचियं कम्मं उदीरेमाणेणं बहुकम्मणिज्जरत्थ साहिजे दिण्णे तए णं से कण्हे वासुदेवे अरहं अरिद्धनेमिं एवं वयासी-से णं भंते पुरिसे मए कहं जाणियव्वे तए णं अरहा अरिद्धनेमी कण्हं वासुदेवं एवं वयासी-जे णं कण्हा तुमं बारवईए नयरीए अनुष्पविसमाणं पासित्ता ठियए चेव टिइभेएणं कालं करिस्सइ तण्णं तुमं जाणिज्जासि एसं णं से पुरिसे तए णं से कण्हे वासुदेवे अरहं अरिद्धनेमिं वंदइ नमंसि वंदित्ता नमंसित्ता जेणेव आभिसेयं हत्थिरयणं तेणेव उवागच्छइ उवागच्छिता हत्थि दुरुहइ दुरुहित्ता जेणेव बारवई नयरी जेणेव सए गिहे तेणेव पहारेत्थ गमणाए

तए णं तस्स सोमिलमाहणस्स कल्लं पाउष्पभायाए रयणीए उद्धियम्मि सूरु सहस्सरस्सिम्मि दिण्यरे तेयसा जलंते अयमेयारूवे अज्जत्थिए चित्तिए पत्थिए मणोए संकपे समुप्पत्ते-एवं खलु कण्हे वासुदेवे अरहं अरिद्धनेमिं पायवंदए निग्गए तं नायमेयं अरहया विण्णायमेयं अरहया सुयमेयं

अरहया सिद्धमेयं अरहया भविस्सइ कण्हस्स वासुदेवस्स तं न नज्जइ णं कण्हे वासुदेवे ममं केणइ कु-
मारेणं मारिस्सइ ति कट्ठु भीए तत्थे तसिए उच्चिग्गे संजायमए सयाओ गिहाओ पडिणिक्खमइ
कण्हस्स वासुदेवस्स बारवईं नयरीं अनुप्पविसमाणस्स पुरओ सपक्खिं सपडिदिंसि हव्वमाणए तए
णं से सोमिले माहणे कण्हं वासुदेवं सहसा पासेता भीए तत्थे तसिए उच्चिग्गे संजायभए ठियए चेव
ठिइमेयं कालं करेइ धरणिगतलंसि सच्चंगेहि धस ति सण्णिवडिए तए णं से कण्हे वासुदेवे सोमिलं
माहणं पासइ पासित्ता एवं वयासी-एस णं भो देवाणुभिया से सोमिले माहणे अपत्थियपत्थिए जाव
सिरि-हिरि-धिइ-कित्ति-परिवडिए जेणं ममं सहोयरे कणीयसे भायरे गयसुकुमाले अणगारे अकाले
चेव जीवियाओ ववरोविए ति कट्ठु सोमिलं माहणं पाणेहिं कइढावेइं कइढावेता तं भूमिं पाणिएणं
अब्भोक्खावेइं अब्भोक्खावेता जेणेव सए गिहे तेणेव उवागए सयं गिहं अनुप्पविट्ठे एवं खलु जंबू
समणेणं भगवया महावीरेणं जाव संपत्तेणं अट्टमस्स अंगस्स अंतगडदसाणं तद्यस्स वग्गस्स अट्ट-
मज्झयणस्स अयमट्ठे पत्रत्ते ।६।६

● तइए वग्गे अट्टमं अज्झयणं सप्तत्तं ●

—: ९-१३—अ ज्झ य णा णि :-

(१४) [जइ णं भंते समणेणं भगवया महावीरेणं अट्टमस्स अंगस्स तद्यस्स वग्गस्स अट्टमस्स
अज्झयणस्स अयमट्ठे पत्रत्ते नवमस्स णं भंते अज्झयणस्स अंतगडदसाणं के अट्ठे पत्रत्ते] एवं खलुं
जंबू तेणं कालेणं तेणं समएणं बारवईए नयरीए कण्हे नामं वासुदेवे राया जहा पढमए जाव विहरइ
तत्थे णं बारवईए वलदेवे नामं राया होत्था-वण्णओ तस्स णं वलदेवस्स रण्णो डारिणी नामं देवी
होत्था-वण्णओ तए णं सा धारिणी [देवी अण्णया कयाइ तंसि तारिसगंसि सवणिजंसि जाव
नियगवयणमइवयंतं सीहं सुविणे पासित्ता णं पडिबुद्धा] जहा गोयमे नवरं-सुमुह्णे कुपारे पत्रासं
कण्णाओ पत्रासओ दाओ चोदस पुब्बाइं अहिज्जइ वीसं वासाइं परियाओ सेसं तं चेव जाव सेतुंजे
सिद्धे निक्खेवओ एवं-दुम्भुहे वि कूवए वि तिण्णि वि वलदेवा-धारिणी-सुया दारुए वि एवं चेव
नवरं-वासुदेव-धारिणी-सुए एवं-अणाहिड्डी वि वसुदेव-धारिणी-सुए ।७।७

● तइए वग्गे ९-१३ अज्झयणाणि सप्तत्तानि ●

चउत्थो—वग्गो

—: १-१०—अ ज्झ य णा णि :-

(१५) जइ णं भंते समणेणं भगवया महावीरेणं जाव संपत्तेणं तद्यस्स वग्गस्स अयमट्ठे पत्रत्ते
चउत्थस्स वग्गस्स अंतगडदसाणं समणेणं भगवया महावीरेणं जाव संपत्तेणं के अट्ठे प. एवं खलु
जंबू समणेणं भगवया महावीरेणं जाव संपत्तेणं चउत्थस्स वग्गस्स दस अज्झयणा प. १८-१।८-१

(१६) जालि मयालि उवयाली पुरिससेणे वारिसेणे य

पज्जुण्ण संब अणिरुद्ध सच्चणेमि य दढणेमि

।१४।-१

(१७) जइ णं भंते समणेणं भगवया महावीरेणं जाव संपत्तेणं चउत्थस्स वग्गस्स दस
अज्झयणा पत्रत्ता पढमस्स णं अज्झयणस्स के अट्ठे पत्रत्ते एवं खलु जंबू तेणं कालेणं तेणं समएणं
बारवईं नयरी तीसे णं बारवईए नयरीए जहा पढमे जाव कण्हे वासुदेवे आहेवद्यं जाव करिमाणे
पालेमाणे विहरइ तत्थे णं बारवईए नगरीए वसुदेवे राया धारिणी देवी-वण्णओ जहा गोयमो नवरं-
जालिकुमारे पत्रासओ दाओ बारसंगी सोलस वासा परियाओ सेसं जहा गोयमस्स जाव सेतुंजे सिद्धे

एवं-मयाली उवयाली पुरिससेणे च वारिसेणे च एवं-पञ्जुवण्णे वि नवरं-कण्हे पिपया रूपिणी माया एवं-संबे वि नवरं-जंबवई माया एवं-अणिरुद्धे वि नवरं-पञ्जुणे पिपया वेदथी माया एवं-सच्चनेमी नवरं-समुद्विजए पिपया सिवा माया एवं-दढनेमी वि सव्वे एगगमा [एवं खलु जंबू समणेणं भगवया महावीरेणं अट्टमस्स अंगस्स अंतगडदसाण चउत्थस्स वागस्स अयमट्टे पन्नते ।८।-६

● चउत्थी वग्गो सभतो ●

पंचमो-वग्गो

—: प ढ मं अ ज्ञ य षं-प उ मा व ई :-

(१८) जइ णं भंते समणेणं भगवया महावीरेणं जाव संपतेणं चउत्थस्स वागस्स अयमट्टे पन्नते पंचमस्स वागस्स अंतगडदसाणं सभणेणं भगवया महावीरेणं जाव संपतेणं के अट्टे प. एवं खलु जंबू समणेणं भगवया महावीरेणं जाव संपतेणं पंचमस्स वागस्स दस अञ्जयणा प. १९-१।-७-१

(१९) पउमाई च गोरी गंधारी लक्खणा सुसीमा च

जंबवई सच्चभामा रूपिणी मूलसिरी मूलदत्ता वि ॥५॥-१

(२०) जइ णं भंते समणेणं भगवया महावीरेणं जाव संपतेणं पंचमस्स वागस्स दस अञ्जयणा पन्नत्ता पढमस्स णं भंते अञ्जयणस्स के अट्टे पन्नते एवं खलु जंबू तेणं कालेणं तेणं समएणं वारवई नगरी जहा पढमे जाव कण्हे वासुदेवे आहेवच्चं जाव कारेमाणे पालेमाणे विहरइ तस्स णं कण्हस्स वासुदेवस्स पउमावई नाम देवी होत्या-यण्णओ तेणं कालेणं तेणं समएणं अरहा अरिद्धनेमी समोसढे जाव संजमेणं तवसा अप्पाणं भावेमाणे विहरइ कण्हे वासुदेवे निग्गए जाव पञ्जुवासइ तए णं सा पउमावई देवी इमीसे कहाए लद्धडा समाणी हट्टतुडा जहा देवई देवी जाव पञ्जुवासइ तए णं अरहा अरिद्धनेमी कण्हस्स वासुदेवस्स पउमावई च [देवीए तीसे महतिमहालि-याए महच्चपरिसाए चाउज्जाणं धम्मं कहेइ तं जहा-सव्वाओ पाणाइवायाओ वेरमणं जाव सव्वाओ परिग्गहातो वेरमणं] परिसा पडिगया तए णं कण्हे वासुदेवे अरहं अरिद्धनेमी बंदइ नमसइ बंदित्ता नमसित्ता एवं वयासी-इमीसे णं भंते वारवईए नगरीए नवजोयणवित्थिण्णाए जाव देवलोगभूयाए किंमूलाए विणासे भविस्सइ कण्हाइ अरहा अरिद्धनेमी कण्ह वासुदेवं एवं वयासी-एवं खलु कण्हा इमीसे वारवईए नयरीए नवजोयणवित्थिण्णाए जाव देवलोगभूयाए सुरग्गिदीवाचणमूलाए विणासे भविस्सइ कण्हस्स वासुदेवस्स अरहओ अरिद्धनेमिस्स अंतिए एवं सोच्चा निसम्म अयं अञ्जत्थिए चित्तिए मणोगए संकप्पे समुप्पञ्जित्था-घण्णा णं ते जालि मयालि-उवयालि-पुरिससेण-वारिसेण-पञ्जुण-संब-अणिरुद्धा-दढनेमि-सच्चनेमि-प्पभियओ कुमारा जे णं चइत्ता हिरण्णं जाव दाइणं दाइ-याणं परिभाएत्ता अरहओ अरिद्धनेमिस्स अंतियं मुंडा जाव पव्वइया अहण्णं अघण्णे अकयपुत्रे रउं य जाव अंतेउरे य माणुस्सएसु य काममोगेसु मुच्छिए गट्टिए गिद्धे अञ्जोवचण्णे नो संचाएमि अरहओ अरिद्धनेमिस्स अंतिए पव्वइत्ताए

कण्हाइ अरहा अरिद्धनेमी कण्हं वासुदेवं एवं वयासी-से नूणं कण्हा तय अयं अञ्जत्थिए चित्तिए पत्थिए मणोगए संकप्पे समुप्पञ्जित्था-घण्णा णं ते जालिप्पभइकुमारा जाव पव्वइया अहण्णं अघण्णे जाव नो संचाएमि अरहओ अरिद्धनेमिस्स अंतिए मुंडे भवित्ता अगाराओ अपण्णारियं पव्वइत्ताए से नूणं कण्हा अत्थे समत्थे हंता अत्थि तं नो खलु कण्हा एतं भूतं वा भव्वं वा भविस्सइ वा जण्णं वासुदेवा चइत्ता हिरण्णं जाव पव्वइस्संति से केणट्टेणं भंते एवं चुच्चइ न एतं भूतं वा जाव

पव्वइस्संति कण्हाइ अरहा अरिद्धनेमी कण्हं वासुदेवं एवं वयासी-एवं खलु कण्हा सव्वे वि य णं वासुदेवा पव्वमवे निदाणकडा से एतेणट्ठेणं कण्हा एवं तुच्चइ न एतं भूतं वा जाव पव्वइस्संति तए णं से कण्हे वासुदेवे अरहं अरिद्धनेमिं एवं वयासी-अहं णं भंते इतो कालमासे कालं किच्चा कहिं गमिस्सामि कहिं उववज्जिस्सामि तए णं अरहा अरिद्धनेमी कण्हं वासुदेवं एवं वयासी-एवं खलु कण्हा तुमं बारवईए नयरीए सुरगि-दीवायण-कोव-निदइद्दाए अम्पापिइ-नियग-विष्णूणे रामेणं वलदे-वेण सद्धि दाहिणवेचालि अभिमुहे जुहिद्धिस्सामोक्खाणं पंचण्हं पंडवाणं पंडुरायपुत्ताणं पासं पंडु-महुरं संपत्थिए कोसंबवणकाणणे नग्गोहवरपायवरस अहे पुढविस्सिलापट्टए पीयवत्थ-पच्छाइय-सरिरे जराकुमारोणं तिक्खेणं कोदंड-विष्णुमुक्केणं उसेणा वामे पादे विद्धे समाणे कालमासे कालं किच्चा तच्चाए वालुयम्भाए पुढवीए उज्जलिए नएए नेरइयताए उववज्जिहिसि तए णं से कण्हे वासुदेवे अरहओ अरिद्धनेमिस्स अंतिए एयमट्ठं सोच्चा निसम्म ओहय [मणसंकपे करतलपल्हत्थमुहे अट्टञ्जाणोवगए] झियाइ कण्हाइ अरहा अरिद्धनेमी कण्हं वासुदेवं एवं वयासी- मा णं तुमं देवाणु-प्पिया ओहयमणसंकपे जाव झियाह एवं खलु तुमं देवाणुप्पिया तच्चाओ पुढवीओ उज्जलियाओ नरयाओ अणंतरं उव्वटिता इहेव जंबुद्वीवे दीये भारहे वासे आगमेसाए उस्सप्पिणीए पंडेसु जण-याएसु सयदुवारे नगरे वारसमे अममे नामं अरहा भविस्ससि तत्थ तुमं बहूइं वासाइं केवलि परियाणं पाउणेता सिञ्जिहिसि बुञ्जिहिसि मुच्चिहिसि परिनिव्वहिस्सि सव्वदुक्खाणं अंतं काहिसि

तए णं से कण्हे वासुदेवे अरहओ अरिद्धनेमिस्स अंतिए एयमट्ठं सोच्चा निरामं हइतुइ जाव अम्फोडेइ अम्फोडेता वगइ वगित्ता तिवइं छिंदइ छिंदित्ता सीहणाइ करेइ करेत्ता अरहं अरिद्धनेमिं वंदइ नमंसइ वंदित्ता नमंसित्ता तेमेव आभिसेक्कं हत्थिं दुरुहइ दुरिहीत्ता जेणेव वारवई नयरी जेणेव सए गिहे तेणेव उवागए अभिसेयहत्थिरयणाओ पच्चोरूहइ पच्चोरूहित्ता जेमेव बाहिरिया उवट्टाणसाला जेणेव सए सीहासणे तेमेव उवागच्छइ पच्चोरूहित्ता जेणेव बाहिरिया उवट्टाणसाला जेणेव सए सीहासणे तेणेव उवागच्छइ उवागच्छित्ता सीहासणवरंसि पुरत्थाभिमुहे निसीयति निसीइत्ता कोडुंबियपुरिसे सद्दावेइ सद्दावेत्ता एवं वयासी-गच्छह णं तुब्भे देवाणुप्पिया वारवईए नयरीए सिघाडग जाव उग्घोसेमाणा-उग्घोसेमाणा एवं बयह-एवं खलु देवाणुप्पिया वारवईए नयरीए नयजोयणविच्छिण्णाए जाव देवलोगभूयाए सुरगि-दीवायण-मूलाए विणासे भविस्सइ तं जो णं देवाणुप्पिया इच्छइ बारवईए नयरीए राया वा जुवराया वा ईसे वा तलवरे वा माडंबिय-कोडुंबिय-इत्थ-सेट्ठी वा देवी वा कुमारो वा कुमारी वा अरहओ अरिद्धनेमिस्स अंतिए मुंडे [भवित्ता अगाराओ अणगारियं] पव्वइत्तए तं णं कण्हे वासुदेवे विसज्जेइ पच्छातुरस्स वि य से अहापवित्तं वित्ति अनुजाणइ महया इद्धिसक्कारसमुदएणं य से निक्खमणं करेइ दोच्चं पि तच्चं पि घोसणयं घो-सेह घोसेत्ता ममं एवं पच्चप्पिणह तए णं ते कोडुंबिया जाव पच्चप्पिणंति ते णं सा पउमावई देवी अरहओ अरिद्धनेमिस्स अंतिए धम्मं सोच्चा निसम्म हइतुइ-चित्तमाणंदिय जाव हरिसवस-विसप्पमा-णहियया अरहं अरिद्धनेमिं वंदइ-नमंसइ वंदित्ता नमंसित्ता एवं वयासी-सद्दहामि णं भंते निगंयं पावयण से जहेयं तुब्भे बयह जं नवरं-देवाणुप्पिया कण्हं वासुदेवं आपुच्छामि तए णं अहं देवाणुप्पियाणं अंतिए पुंडा जाव पव्वयामि अहासुहं देवाणुप्पिया मा पडिबंधं करेहि तए णं सा पउमावई देवी धम्मियं जाणप्परं दुरुहइ दुरुहित्ता जेणेव वारवई नयरी जेणेव सए गिहे तेणेव उवागच्छइ उवागच्छित्ता धम्मियाओ जाणप्परओ पच्चोरूहइ पच्चोरूहित्ता जेणेव कण्हे वासुदेवे

तेणेव उवागच्छइ उवागच्छिता करयल जाव कट्ट कण्हं वासुदेवं एवं वयासी-इच्छामि णं देवाणु-
प्पिया तुब्बेहिं अब्भणुण्णया समाणा अरहओ अरिद्धनेमिस्स अंतिए मुंडा जाव पव्वइताए

अहासुहं देवाणुप्पिया मा पडिबंधं करेहि तए णं से कण्हे वासुदेवे कोडुवियपुरिसे सद्दावेइ
सद्दावेत्ता एवं वयासी-खिप्पामेव भो देवाणुप्पिया पउमावईए देवीए महत्थं महत्थं महरिहं निक्ख-
मणाभिसेयं उवट्टवेह उवट्टवेत्ता एयमाणत्तियं पद्यप्पिणह तए णं ते कोडुवियपुरिसा जाव तमाणत्तियं
पद्यप्पणंति तए णं से कण्हे वासुदेवे पउमावई देविं पट्टयं दुरुहेइ अट्टसएणं सोवण्णकलसाणं जाव
महाणिक्खमणाभिसेएणं अभिसिंचइ अभिसिंचिता सव्वालंकारविभूसियं करेइ करेत्ता पुरिसस-
हस्सवाहिणिं सिबिचं दुरुहावेइ दुरुहावेत्ता बारवईए नयरीए मज्झंमज्जेणं निग्गच्छइ निग्गच्छिता
जेणेव रेवयए पव्वए जेणेव सहसंबवणे उज्जाणे तेणेव उवागच्छइ उवागच्छिता सीयं ठवेइ पउमावई
देविं सीयाओ पच्चोरूहइ पच्चोरूहिता जेणेव अरहा अरिद्धनेमी तेणेव उवागच्छइ उवागच्छिता अरहं
अरिद्धनेमिं तिक्खुत्तो आयाहिण-पयाहिणं करेइ करेत्ता वंदइ नमंसइ वंदिता नमंसिता एवं वयासी-
एस णं भंते मम अग्गमहिसी पउमावई नामं देवी इद्धा कंता पिया मणुण्णा मणाभिरामा जाव
उंवरपुफं पिब दुल्लहा सवणयाए किमंग पुण पासणयाएए तण्णं अहं देवाणुप्पिया सिस्सिणिभिक्खं
दलयामि पडिच्छंतु णं देवाणुप्पिया सिस्सिणिभिक्खं अहासुहं देवाणुप्पिया मा पडिबंधं करेह तए णं
सा पउमावई उत्तरपुरत्थियं दिसीभागं अवक्कमइ अवक्कमिता सयमेव आभरणालंकारं ओमुयइ
ओमुयिता सयमेव पंचमुट्ठियं लोयं करेइ करेत्ता जेणेव अरहा अरिद्धनेमी तेणेव उवागच्छइ उवा-
गच्छिता अरहं अरिद्धणेमिं वंदइ नमंसइ वंदिता नमंसिता एवं वयासी-आलित्ते णं भंते लोए जाव तं
इच्छामि णं देवाणुप्पिएहिं धम्ममाइक्खिय तए णं अरहा अरिद्धनेमी पउमावई देविं सयमेव पव्वावेइ
पव्वावेत्ता सयमेव जक्खिणीए अज्जाए सिस्सिणिताए दलयइ तए णं सा जक्खिणी अज्जा पउमावई
देविं सयमेव पव्वावेइ जाव संजमेणं संजमियत्वं तए णं सा पउमावई देवी तमाणाए तए चिट्ठइ जाव
संजमेणं संजमइ ते णं सा पउमावई अज्जा जाया इरियासमिया जाव गुतबंभयारिणी तए णं सा
पउमावई अज्जा जक्खिणीए अज्जाए अंतिए सामाइयमाइयाइं एककारस अंगाइं अहिज्जइ बहूहिं
घउत्थ-छट्टइम-दसम-दुवालसेहिं मासद्ध-मासखमणेहिं विविहेहिं तवोकम्भेहि अप्पाणं भावेभाणे
विहरइ तए णं सा पउमावई अज्जा बहुपडिपुत्राइं वीसं वासाइं सामण्णपरियागं पाउणइ पाउणित्ता
मासियाए संलेहणाए अप्पाणं झूसेइ झूसेत्ता सट्ठिं भताइं अणसणाए छेदेइ छेदेत्ता जस्सट्ठाए कीरइ
नग्गभावे मुंडभावे जाव तमट्ठं आराहेइ चरिमुस्तासेहिं सिद्धा ।९।९

● पंचमे वर्णे पटमं अञ्जयणं सप्ततं ●

—: २-८-अ ञ्ज य णा णि :-

(२१) तेणं कालेणं तेणं समएणं बारवई नयरी रेवयए पव्वए उज्जाणे नंदवण्णे तत्थ णं
बारवईए नयरीए कण्हे वासुदेवे तस्स णं कण्हस्स वासुदेवस्स गोरी देवी-वण्णओ अरहा समोसठे
कण्हे निग्गए गोरी जहा पउमावई तथा निग्गया धम्म कहा परिसा पडिगया कण्हे वि तए णं सा गोरी
जहा पउमावई तथा निक्कंता जाव सिद्धा एवं-गंधारी लक्खणा सुसीमा जंबवई सद्यभामा रूप्पिणी
अट्ट वि पउमावईसरिसाओ अट्टं अञ्जयणा ।१०।१०

● पंचमे वर्णे २-८ अञ्जयणाणि सप्ततानि ●

—: १-१०-अ ञ्ज य णा णि :-

(२२) तेणं कालेणं तेणं समएणं बारवईए नयरीए रेवयए पव्वए नंदवणे उज्जाणे कण्हे

वासुदेवे तत्थ णं बारवईए नयरीए कण्हस्स वासुदेवस्स पुत्ते जंबवईए देवीए अत्ताए संबे नामं कुमारे होत्था-अहीणपडिपुत्रपंचेदियसरिरे तस्स णं संबस्स कुमारस्स मूलसिरी नामं भारिया होत्था-वण्णओ अरहा समोसडे कण्हे निग्गाए मूलसिरी वि निग्गया जहा पउमावई जं नवरं-देवाणुप्पिथा कण्हं वासुदेवं आपुच्छामि जाव सिद्धा एवं मूलदत्तावि ।११।-११

● पंचमे वग्गे ९-१० अञ्जयणाणि सप्तत्तानि ● पंचमो वग्गो सप्ततो ●

छट्टो-वग्गो

—: १-२-अ ज्ज य णा णि :-

(२३) जइ णं भंते समणेणं भगवया महावीरेणं अट्टमस्स अंगस्स अंतगडदसाणं पंचमस्स वग्गस्स अयमट्ठे पत्रते छट्टस्स णं भंते वग्गस्स के अट्ठे पत्रते एवं खलु जंबू समणेणं भगवया महावीरेणं अट्टमस्स अंगस्स अंतगडदसाणं छट्टस्स वग्गस्स। सोलस अञ्जयणा पत्रता तं जहा ।१२-११-११-१

(२४) मकाइ किंकमे चेव मोग्गरपाणी य कासवे

खेमए धिइहरे चेव केलासे हरिचंदणे ॥६॥-१

(२५) वारत सुदंसण पुत्रभद्द तए सुमणभद्द सुपइडे

मेहे ऽतिमुत्ता अलक्के अञ्जयणाणं तु सोलसयं ॥७॥-२

(२६) जइ णं भंते समणेणं भगवया महावीरेणं अट्टमस्स अंगस्स अंतगडदसाणं छट्टस्स

वग्गस्स सोलस अञ्जयणा पत्रता पढमस्स णं भंते अञ्जयणास्स अंतगडदसाणं के अट्ठे पत्रते एवं खलु जंबू तेणं कालेणं तेणं समएणं रायगिहे नयरे गुणसिलए चेइए सेणिए राया तत्थ णं मकाई नामं गाहावई परिवसइ-अइडे जाव अपरिभूए तेणं कालेणं तेणं समएणं समणे भगवं महावीरे आदिकरे गुणसिलए जाव संजमेणं तवसा अप्पाणं भावेमाणे विहरइ परिसा निग्गया तए णं से मकाई गाहावई इमीसे कहाए लज्जट्टे जहा पत्रत्तीए गंगदत्ते तहेव इमो वि जेइपुत्तं कुइवे ठवेत्ता पुरिससहस्सवा-डिणीए सीयाए निकखंते जाव अणगारे जाए-इरियासमिए तए णं से मकाई अणगारे समणस्स भग-वओ महावीरस्स तहारूवाणं थेराणं अतिए समाइयमाइयाइ एककारस अंगाई अहिइइ सेसं जहा खंदगस्स गुणरयणं तवोकम्मं सोलसवासांइ परियाओ तहेव विउले सिद्धे किंकमे वि एवं चेव जाव विउले सिद्धे ।१२।-१२

● छट्टे वग्गे १-२ अञ्जयणाणि सप्तत्तानि ●

—: त इ यं अ ज्ज य णं-भो ग्ग र पा णी :-

(२७) तेणं कालेणं तेणं समएणं रायगिहे नयरे गुणसिलए चेइए सेणिए राया चेइणा देवी तत्थ णं रायगिहे नयरे अज्जुणए नामं मालागारे परिवसइ-अइडे जाव अपरिभूए तस्स णं अज्जुणयस्स मालावरस्स बंधुमई नामं भारिया होत्था-सूमालपाणिपाया तस्स णं अज्जुणस्स मानायास्स राय-गिहस्स नयरस्स वहिया एत्थ णं महं एगे पुफ्फारामे होत्था-किण्हे जाव महामेहनित्ठरूवभूए दस-द्धवण्णकुसुमकुलुमिए पासईए दरिसणिजे अधिरूवे पडिस्से तस्स णं पुफ्फारामस्स अदूरसामंते एत्थ णं अज्जुणयस्स मालायास्स अज्जय-पज्जव-विइपज्जयागए अणेगकुलपुरिस-परंपरागए मोग्गर-पाणियस्स जक्खस्स जक्खयणे होत्था-पोराणे दिच्चे सट्ठे जहा पुत्रभद्दे तत्थ णं मोग्गरपाणियस्स पडिमा एणं महं पलसहस्सणिक्कण्णं अओमयं मोग्गरं गहाय चिट्ठइ तए णं से अज्जुणए मालागारे बालपभईं चेव मोग्गरपाणि-जक्खभत्ते यावि होत्ता कल्लकल्लि पच्छियपिडगाई गेण्हइ गेण्हित्ता

रायगिहाओ नयराओ पडिणिक्खमइ पडिणिक्खमिता जेणेव पुप्फारामे तेणेव उवागच्छइ उवागच्छिता पुप्फुच्चयं करेइ करेता अग्गाइ वराइ पुप्फाई गहाय जेणेव मोग्गरपाणिस्स जक्खस्स जक्खययणे तेणेव उवागच्छइ उवागच्छिता मोग्गरपाणिस्स जक्खस्स महरिहं पुप्फच्चणं करेइ करेता जण्णुपायपडिए पणामं करेइ तओ पच्छा रायमग्गंसि वित्तिं कप्पेमाणे विहरइ तत्थं णं रायगिहे नयरे ललिया नामं गोद्वी परिवसइ-अइढा जाव अपरिभूता जं कयसुकया यावि होत्था तए णं रायगिहे नगरे अण्णया कवाइ पमोदे धुडे यावि होत्था तए णं से अज्जुणए मालागारे कळं पभूयतराएहिं पुप्फेहिं कळं इति कट्ट पद्दसकालसमयंसि बंधुमईए भारियाए सद्धिं पच्छियपिडयाइं गेण्हइ गेण्हिता सयाओ गिहाओ पडिणिक्खमइ पडिनिक्खमिता रायगिहं नगरं मज्झमज्झेणं निग्गच्छइ निग्गच्छिता जेणेव पुप्फारामे तेणेव उवागच्छइ उवागच्छिता बंधुमईए भारियाए सद्धिं पुप्फुच्चयं करेइ तए णं तीसे ललियाए गोद्वीए छ गोद्विळा पुरिसा जेणेव मोग्गरपाणिस्स जक्खस्स जक्खाययणे तेणेव उवागया अभिरममाण्णा चिट्ठंति तए णं से अज्जुणए मालागारे बंधुमईए भारियाए सद्धिं पुप्फुच्चयं करेइ पत्थियं भरेइ भरेता अग्गाइ वराइ पुप्फाई गहाय जेणेव मोग्गरपाणिस्स जक्खस्स जक्खाययणे तेणेव उवागच्छइ तए णं ते छ गोद्विळा पुरिसा अज्जुणयं मालागारं बंधुमईए भारियाए सद्धिं एज्जमाणं पासंति पासिता अण्णमण्णं एवं वयासी-एस णं देवाणुप्पिया अज्जुणए मालागारे बंधुमईए भारियाए सद्धिं इहं हव्वमागच्छइ तं सेयं खलु देवाणुप्पिया अण्णं अज्जुयणं मालागारं अवओडय-बंधणयं करेता बंधुमईए भारियाए सद्धिं विउलाइं भोगभोगाइं भुंजमाण्णं विहरिताए ति कट्ट एयमइ अण्णमण्णस्स पडिसुणेति पडिसुणेता कवाडंतरेसु निलुककंति निच्चला निष्फंदा तुसिणीया पच्छण्णा चिट्ठंति तए णं से अज्जुणए मालागारे बंधुमईए भारियाए सद्धिं जेणेव मोग्गरपाणिस्स जक्खस्स जक्खाययणे तेणेव उवागच्छइ आलोए पणामं करइ महरिहं पुप्फच्चणं करेइ जण्णुपायपडिए पणामं करेइ तए णं छ गोद्विळा पुरिसा दवदवस्स कवाडंतरेहिंतो निग्गच्छंति निग्गच्छिता अज्जुणयं मालागारं गेण्हंति गेण्हिता अवओडय बंधणं करेति बंधुमईए मालागारीए सद्धिं विउलाइं भोगभोगाइं भुंजमाण्णा विहरंति

तए णं तस्स अज्जुणयस्स मालागारस्स अयमज्झत्थिए चित्थिए पत्थिए मणोगए संकप्पे समुप्पज्जित्था-एवं खलु अहं बालप्पभिइं चेव मोग्गरपाणिवस्स भगवओ कळकळिं जाव पुप्फच्चणं करेमि जण्णुपायपडिए पणामं करेमि तओ पच्छा रायमग्गंसि वित्तिं कप्पेमाणे विहरामि तं जइ णं मोग्गरपाणी जक्खे इह सण्णिहिए हंतो से णं किं मम एयारूवं आवइ पावेज्जमाणं पासंतं तं नत्थिं णं मोग्गरपाणी जक्खे इह सण्णिहिए सुव्वत्तं णं एस कट्टे तए णं से मोग्गरपाणी जक्खे अज्जुणयस्स मालागारस्स अयमेयारूवं अज्झत्थियं जाव वियाणेता अज्जुणयस्स मालागारस्स सरीरयं अनुप्पविसइ अनुप्पविसिता तडतडस्स बंधाइ छिंदइ छिंदिता तं पलसहस्सणिक्फणं असोमयं मोग्गरं गेण्हइ गेण्हिता ते इत्थिरात्तमे छ पुरिसे धाएइ तए णं से अज्जुणए मालागारे मोग्गरपाणिया जक्खेणं अण्णाइहे समाणे रायगिहस्स नगरस्स परिपेटेणं कळकळिं इत्थसत्तमे छ पुरिसे धाएमाणे धाएमाणे विहरइ तए णं रायगिहे नयरे सिंघाडग-जाव महापहपहेसु बहुजणो अण्णमण्णस्स एवमाइक्खइ एवं भासेइ एयं पन्नवेइ एवं परूवेइ-एवं खलु देवाणुप्पिया अज्जुणए मालागारे मोग्गरपाणिणा अण्णाइहे समाणे रायगिहे नयरे बहिया इत्थिसत्तमे छ पुरिसे धाएमाणे-धाएमाणे विहरइ तए णं से सेणिए राया इमीसे कहाए लद्धे समाणे कोडुंबियपुरिसे सहावेइ सहावेत्ता एवं वयासी-एवं खलु देवाणुप्पिया

अञ्जुणए मालागारे जाव धाएमाणे-धाएमाणे विहरइ तं मा णं तुब्धे केइ कट्टस्स वा तणस्स वा पाणियस्स वा पुप्फफलाणं वा अट्टाए सइरं निग्गच्छइ पा णं तस्स सरीरयस्स वावती भविस्सइ ति कट्टु दोढं पि तद्धं पि घोसणयं घोसेह घोसेता खिम्पामेव ममेवं पच्चप्पिणह तए णं से कोडुबियपुरिसा जाव पच्चप्पिणंति तत्थ णं रायगिहे नगरे सुदंसणे नामं सेट्ठी परिवसइ-अइडे तए णं से सुदंसणे समणोवासए यावि होत्या-अभिगयजीवाजीवे जाव विहरइ तेणं कालेणं समएणं समणे भगवं महावीरे जाव विहरइ तए णं रायगिहे नगरे सिंघाडग-तिग-चउक्क-चच्चर-चउम्पुह-महापहपेसु बहुजणो अण्णमण्णस्स एवमाइक्खइ जाव किमंग पुण विपुलस्स अट्टस्स गहणयाए तए णं तस्स सुदंसणास्स बहुजणस्स अंतिए एयं सोद्या निसम्मं अयं अञ्जस्थिए चिंतिए पत्थिए मणोगए संकप्पे समुपजिञ्जा-एवं खलु समणे भगवं महावीरे जाव विहरइ तं गच्छामि णं समणं भगवं महावीरं वंदामि-एवं संपेहेइ संपेहेत्ता जेणेव अम्मापियरो तेणेव उवागच्छइ उवागच्छित्ता करयलं अंजलिं कट्टु एवं वयासी-एवं खलु अम्मयाओ समणे भगवं महावीरे जाव विहरइ तं गच्छामि णं समणं भगवं महावीरं वंदामि नमंसामि जाव पञ्जुवासामि तए णं सुदंसणं सेट्ठिं अम्मापियरो एवं वयासी-एवं खलु पुत्ता अञ्जुणए मालागारे जाव धाएमाणे-धाएमाणे विहरइ तं पा णं तुमं पुत्ता समणं भगवं महावीरं वंदए निग्गच्छहि मा णं तव सरीरयस्स वावती भविस्सइ तुमणं इह गए चेव समणं भगवं महावीरं वंदाहि तए णं से सुदंसणे सेट्ठी-अम्मापियरं एवं वयासी-किण्णं अहं अम्मयाओ समणं भगवं महावीरं इहमागयं इह पत्तं इह समोसडं इह गए चेव वंदिस्सामि तं गच्छामि णं अहं अम्मयाओ तुब्धेहिं अब्भणुण्णाए समाणे समणं भगवं महावीरं वंदए तए णं सुदंसणं सेट्ठिं अम्मापियरो जाहे नो संवाएति बहूहिं आघवणाहिं पन्नवणाहिं सण्णवणाहिं विण्णवणाहिं जाव परूवेत्तए ताहे एवं वयासी-अहासुहं देवाणुप्पिया मा पडिबधं करेहि तए णं से सुदंसणे अम्मापिइहिं अब्भणुण्णाए समाणे ण्हाए सुद्धया-वेसाइ जाव सरीरे सयाओ गिहाओ पडिणिक्खमइ पडिणिक्खमित्ता पायविहारचारेणं रायगिहं नगरं मज्झमज्झेणं निग्गच्छइ निग्गच्छित्ता मोग्गरपाणियस्स जक्खस्स जक्खायचणस्स अदूरसामंतेणं जेणेव गुणसिलए चेइए जेणेव समणे भगवं महावीरे तेणेव पहारेत्थ गमणाए

तए णं से मोगरपाणी जक्खे सुदंसणं समणोवासयं अदूरसामंतेणं वीइवयमाण वीइवयमाणं पासइ पासित्ता आसुरुत्ते रुडे कुविए चंडिकिक्कए मिसिमिसेमाणे तं पलसहस्सणिप्फण्णं अओमयं मोग्गरं उल्ललेमाणे-उल्ललेमाणे जेणेव सुदंसणे समणोवासए तेणेव पहारेत्थ गमणाए तए णं से सुदंसणे समणोवासए मोग्गरपाणिं जक्खं एज्जमाणं पासइ पासित्ता अर्पीए अतत्थे अनुच्चिग्गे अक्खुभिए अचलिए असंभंते वत्थंतेणं भूमिं पमज्जइ पमज्जिता करयलं जाव कट्टु एवं वयासी-नमोत्थु णं अरहंताणं जाव सिद्धिगइनामधेज्जं ठाणं संपत्ताणं नमोत्थु णं समणस्स भगवओ महावीरस्स जाव सिद्धिगइनामधेज्जं ठाणं संपाविउकामस्स पुत्थिं पि णं मए समणस्स भगवओ महावीरस्स अंतिए थूलए पाणाइवाए पच्चक्खाए जावजीवाए थूलए मुसावाए पच्चक्खाए जावजीवाए थूलए अदिन्नादाणे पच्चक्खाए जावजीवाए सदारसंतोसे कए जावजीवाए इच्छापरिमाणे कए जावजीवाए तं इदाणिं पि णं तस्सेव अंतियं सव्वंपाणाइथायं पच्चक्खामि जावजीवाए मुसावायं अदत्तादाणं मेहुणं परिग्गहं पच्चक्खामि जावजीवाए जावजीवाए सव्वं कोहं जाव मिच्छादंसणसल्लं पच्चक्खामि जावजीवाए सव्वं असणं पाणं खाइमं सइमं चउत्थिवं पि आहारं पच्चक्खामि जावजीवाए जइ णं एत्तो उवसग्गाओ मुद्धिस्सामि तो मे कप्पइ पारेत्ताए अहण्णं एत्तो उवसग्गाओ न

मुद्दिस्सामि तो मे तद्वा पद्यक्खए चेव ति कइ सागारं पडिमं पडिवज्जइ तए णं से मोग्गरपाणी जक्खे तं पलसहस्सणिक्कण्णं अओमयं मोग्गरं उल्लालेमाणे-उल्लालेमाणे जेणेव सुदंसणे समणोवासए तेणेव उवागए नो चेव णं संचाएइ सुदंसणं समणोवासयं तेयसा समभिपडित्तए तए णं से मोग्गरपाणी जक्खे सुदंसणं समणोवासयं सब्बओ समंता परिघोलेमाणे-परघोलेमाणे जाहे नो चेव णं संचाएइ सुदंसणं समणोवासयं तेयसा समभिपडित्तए ताहे सुदंसणस्स समणोवासयस्स पुरओ सपक्खिंश्च सपडिदिसिं ठिघ्ठा सुदंसणं सणोवासयं अणिमिसाए दिट्ठिए सुचिरं निरिक्खइ निरिक्खित्ता अञ्जुणयस्स मालागरस्स सरीरं विप्पजहइ विप्पजहित्ता तं पलसहस्सणिक्कण्णं अओमयं मोग्गरं गहाय जामेव दिसं पाउळूए तामेव दिसं पडिगए

तए णं से अञ्जुणए मालागारे मोग्गरपाणिणा जक्खेणं विप्पमुक्के समणे धस ति धरणि-यलंसि सब्बगेहिं निवडिए तए णं से सुदंसणे समणोवासए निरुवसग्गमिति कइ पडिमं पारेइ तए णं से अञ्जुणए मालागारे ततो मुहुत्तंतोणं आसत्ये समणे उट्ठेइ उट्ठेत्ता सुदंसणं समणोवासयं एवं वयासी-तुब्बे णं देवाणुप्पिया के कहि वा संपरिया तए णं से सुदंसणे समणोवासए अञ्जुणयं मालागारं एवं वयासी-एवं खलु देवाणुप्पिया अहं सुदंसणे नामं समणोवासए-अभियजीवाजीवे गुणसिलए चेइए समणं भगवं महावीरं वंदए संपत्थिए तए णं से अञ्जुणए मालागारे सुदंसणं समणोवासयं एवं वयासी-तं इच्छपि णं देवाणुप्पिया अहमवि तुमए सद्धिं समणं भगवं महावीरं वंदित्ताए जाव पञ्जुवासित्ताए अहामुहं देवाणुप्पिया मा पडिवंधं करेहि तए णं सुदंसणं समणोवासए अञ्जुणएणं मालागारेणं सद्धिं जेणेव गुणसिलए चेइए जेणेव समणे भगवं महावीरे तेणेव उवागच्छइ उवागच्छित्ता अञ्जुणएणं मालागारेणं सद्धिं समणं भगवं महावीरं तिवक्खुतो आयाहिण-पयाहिणं कोइ वंदइ नमंसइ जाव पञ्जुवासइ तए णं समणे भगवं महावीरे सुदंसणस्स समणोवासगस्स अञ्जुणयस्स मालागारस्स तीसे य धम्मपाइक्खइ सुदंसणे पडिगए तए णं से अञ्जुणए मालागारे समणस्स भगवओ महावीरस्स अंतिए धम्मं सोच्चा निसम्म हट्ठ तुट्ठे जाव एवं वयासी-सद्दहामि णं भंते निग्गंथं पावयणं जाव अब्बुट्ठेमि णं भंते निग्गंथं पावयणं अहामुहं देवाणुप्पिया मा पडिवंधं करेहि तए णं से अञ्जुणए मालागारे उत्तर [पुरत्थिमं दिसीभागं अवक्कमइ अवक्कमित्ता] सयमेव पंचमुद्धियं लोयं करेइ करेत्ता जाव अणगारे जाए [से णं वासीचंदणकप्पे समतिणमणि-लेट्टकुचणे समसुहदुक्खे इहलोग-परलोग-अप्पडिवस्से जिविय-मरण-निरवकंखे संसारपारगामी कम्मनिग्धा-यणद्दाए एवं च णं] विहरइ तए णं से अञ्जुणए अणगारे जं चेव दिवसं मुंडे जाव पव्वइए तं चेव दिवसं समणं भगवं महावीरं वंदइ नमंसइ वंदित्ता नमंसित्ता इमं एयाख्वं अभिग्गहं ओणेण्हइ-कप्पइ मे जावज्जीवाए छट्ठंछट्ठेणं अणिक्खित्तेणं तवोक्कमेणं अप्पाणं भावेमाणस्स विहरित्ताए ति कइ अयमे-याख्वं अभिग्गहं ओणेण्हइ ओणेण्हित्ता जावज्जीवाए जाव विहरइ तए णं से अञ्जुणए अणगारे छट्ठ-क्खमणवारणयंसि पढमाए पोरिसीए सज्झायं करेइ जहा गोयमसामी जाव अडइ तए णं तं अञ्जुणयं अणगारं रायगिहे नचरे उच्च-[नीय-मज्झिमाइं कुलाइं घरसमुदाणस्स भिक्खायरियाए] अडमाणं बहये इत्थीओ य पुरिसा य डहरा य महल्ला य जुवाणा य एवं वयासी-इमेण मे पिता मारिए इमेण मे माता मारिया इमेण मे भाया भगिणी भज्जा पुत्ते धूया सुण्हा मारिया इमेण मे अण्णयरे सयण-संबंधि-परियणे मारिए ति कइ अप्पेगइया अक्कोसंति अप्पेगइया हीलंति निंदंति गरिहंति तज्जंति तालोति

तए णं से अञ्जुणए अणगारे तेहिं बहूहिं इत्थीहिं पुरिसेहिं य डहरपेहिं य महल्लेहिं य

जुवाणएहि य आओसिज्रमाणे जाव तालेज्रमाणे तैसिं मणसा वि अपउत्समाणे सम्मं सहइ सम्मं खमइ सम्मं तितिकउइ सम्मं अहियासेइ सम्मं सहमाणे सम्मं खममाणे सम्मं तितिकखमाणे सम्मं अहियासेमाणे रायगिहे नयरे उच्च-नीय-पञ्चिय-कुलाइं अडमाणे जइ भतं लभइ तो पाणं न लभइ अह पाणं लभइ तो भतं न लभइ तए णं से अजुणए अणगारे अदीणे अदिमणे अकलुसे अणाइले अविसादी अपरितंतजोगी अइइ अडिता रायगिहाओ नगराओ पडिणिक्खमइ पडिणिक्खमिता जेणेव गुणसिलए चेइए जेणेव समणे भगवं महावीरे जहा गोयमसामी तथा पडिदंसेइ पडिदंसेत्ता सनणेणं भगवया महावीरेणं अठ्ठणुण्णाए समाणे अमुच्छिए अगिद्धे अगट्टिए अणज्झोववण्णे विलमिव पन्नगभूएणं अप्पाणेणं तमाहारं आहारेइ तए णं समणे भगवं महावीरेअण्णया रायगिहाओ पडिणिक्खमइ पडिणिक्ख- मिता बहिया जणवयविहारं विहरइ तए णं से अजुणए अणगारे तेणं ओरालेणं विपुलेणं पवत्तेणं पग्गहिएणं महाणुभागेणं तवोकम्पेणं अप्पाणं भावमाणे बहुपुडिपुत्रे छम्भासे सामण्णपरियागं पाउणइ पाउणित्ता अद्धमासिए संलेहणाए अप्पाणं झूसेइ झूसेत्ता तीसं भताइं अणसणाए छेदेइ छेदेत्ता जस्सट्ठाए कीरइ नग्गभावे जाव सिद्धे । १३६-१३

● छट्ठे वग्गे तइअं अज्झयणं समत्तं ●

—: च उ त्थं—अ ज्झ य णं :—

(२८) तेणं कालेणं तेणे समाएणं रायगिहे नगरे गुणसिलए चेइए सेणिए रावा कासवे नामं गाहावई परिवसइ जहा मकाई सोलस वासा परियाओ विपुले सिद्धे । १३४-११-१४-१

● छट्ठे वग्गे चवत्थं अज्झयणं समत्तं ●

—: षं च मं—अ ज्झ य णं :—

(२९) एवं-खेमाए वि गाहावई नवरं-कायंदी नयरी सोलस वासा परियाओ विपुले पव्वए सिद्धे । १३४-२१-१४-२

● छट्ठे वग्गे पंचमं अज्झयणं समत्तं ●

—: छ ट्ठं—अ ज्झ य णं :—

(३०) एवं-धिइहरे वि गाहावई कायंदीए नयरीए सोलस वासा परियाओ विपुले सिद्धे । १३४-३१-१४-३

● छट्ठे वग्गे छट्ठं अज्झयणं समत्तं ●

—: स त्त मं—अ ज्झ य णं :—

(३१) एवं-केलासे वि गाहावई नवरं-साएए नयरे बारस वासाइं परियाओ विपुले सिद्धे । १३४-४१-१४-४

● छट्ठे वग्गे सत्तमं अज्झयणं समत्तं ●

—: अ ट्ठ मं—अ ज्झ य णं :—

(३२) एवं-हरिचंदणे वि गाहावई साएए नयरे बारस वासा परियाओ विपुले सिद्धे । १३४-५१-१४-५

● छट्ठे वग्गे अट्ठमं अज्झयणं समत्तं ●

—: न च मं—अ ज्झ य णं :—

(३३) एवं-बारत्ताए दि गाहावई नवरं-रायगिहे नगरे बारस वासा परियाओ विपुले सिद्धे । १३४-६१-१४-६

● छट्ठे वग्गे नवमं अज्झयणं समत्तं ●

—: द स मं—अ ज्ञ य णं :—

(३४) एवं-सुदसणे वि गाहावई नवरं-वाणियग्गामे नयरे दूइपलासाए चेइए पंच वासा परियाओ विपुले सिद्धे। १४-७।-१४-७

● छट्टे वणे दसमं अन्नयणं समत्तं ●

—: इ क्का र स मं—अ ज्ञ य णं :—

(३५) एवं-पुत्रभदे वि गाहावई वाणियग्गामे नयरे पंचवासा परियाओ विपुले सिद्धे
१४-८।-१४-८

● छट्टे वणे इक्कारसमं अन्नयणं समत्तं ●

—: बा र स मं—अ ज्ञ य णं :—

(३६) एवं-सुमणभदे वि गाहावई सावत्यीए नयरीए बहुवासाइं परियाओ विपुले सिद्धे
१४-९।-१४-९

● छट्टे वणे बारसमं अन्नयणं समत्तं ●

—: ते र स मं—अ ज्ञ य णं :—

(३७) एवं-सुपइट्टे वि गाहावई सावत्यीए नयरीए सत्तावीसं वासा परियाओ विपुले सिद्धे
१४-१०।-१४-१०

● छट्टे वणे तेरसमं अन्नयणं समत्तं ●

—: चो ह स मं—अ ज्ञ य णं :—

(३८) एवं-मेहे वि गाहावई रायगिहे नयरे यहूइं वासाइ परियाओ विपुले सिद्धे। १४।-१४
—: प च र स मं अ ज्ञ य णं—अ इ मु त्ते :—

(३९) तेणं कालेणं तेणं समएणं पोलासपुरे नगरे सिरिवणे उज्जाणे तत्थ णं पोलासपुरे नयरे विजये नामं राया होत्या तस्स णं विजयस्स रण्णे सिरि नामं देवी होत्या-वण्णओ तस्स णं विजयस्स रण्णे पुत्ते सिरिए देवीए अत्तए अतिमुत्ते नामं कुमारे होत्या-सूपालपाणिपाए तेणं कालेणं तेणं समएणं समणे भगवं महावीरे जाव सिरिवणे जाव विहरइ तेणं कालेणं तेणं समएणं समणस्स भगवओ महावीरस्स जेट्ठे अंतेवासी इंदमूती अणगारे जहा पत्रत्तीए जाव पोलासपुरे नयरे उच्च-नीय-मज्झिमाइं कुलाइं घरसमुदाणस्स भिक्खायारियं अडइ इमं च णं अइमुत्ते कुमारे ण्हाए जाव सव्वालंकारविभूसिए यहूहिं दारएहि य दारियाहि य डिंभएहि य डिंभियाहि य कुमारएहि य कुमारियाहि य सद्धिं संपरिवुडे साओ गिहाओ पडिणिक्खमइ पडिणिक्खमिता जेणेव इंदद्वाने तेणेव उवागए तेहिं बहूहिं दारएहि य संपरिवुडे अभिरममामे-अभिरममाणे विहरइ तए णं भगवं गोयमे पोलासपुरे नयरे उच्च-जाव अडमाणे इंदद्वानस्स अदूरसामंतेणं वीइवयइ तए णं से अइमुत्ते कुमारे भगवं गोयमं अदूरसामंतेणं वीइवयमाणं पासइ पासित्ता जेणेव भगवं गोयमे तेणेव उवागए भगवं गोयमं एवं वयासी-के णं भंते तुब्बे किं वा अडह तए णं भगवं गोयमे अइमुत्तं कुमारं एवं वयासी-अहे णं देवाणुप्पिया समणा निगंथा इरियासमिया जाव गुत्तबंभयारी उच्च-जाव अडामो तए णं अइमुत्ते कुमारे भगवं गोयमं एवं वयासी-एह णं भंते तुब्बे जा णं अहं तुब्बं भिक्खं दयावेमी ति कट्टु भगवं गोयमं अंगुलीए गेण्हइ गेण्हिता जेणेव सए गिहे तेणेव उवागए तए णं सा सिरिदेवी भगवं गोयमं एज्जमाणं पासइ पासित्ता हट्टुत्ता आसणाओ अब्बुट्टेइ अब्बुट्टेत्ता जेणेव भगवं गोयमे तेणेव उवागया भगवं गोयमं [तक्खुत्तो आयाहिण-पयाहिणं करेइ करेत्ता वंदइ नमंसइ वंदित्ता नमंसित्ता

विउलेणं असण-पाण-खाइम-साइमेणं पडिलाभेइ पडिलाभेत्ता पडिविसजेइ तए णं से अइमुत्ते कुमारे भगवं गोयमं एवं वयासी-कहिं णं भंते तुब्भे परिवसह तए णं से भगवं गोयमे अइमुत्तं कुमारे एवं वयासी-एवं खलु देवाणुप्पिया मम धम्मायरीए धम्मोवएसए समणे भगवं महावीरे आइगरे जाव सिद्धिगइ नामधेज्जं ठाणं संपाविउकामे इहेव पोलासपुरस्स नगरस्स बहिया सिरिवणे उज्जाणे अहापडिरूवं ओगहं ओगिण्हिता संजमेणं [तवसा अप्पाणं] भावेमाणे विहरइ तत्थ णं अम्हे परिवसापो

तए णं से अइमुत्ते कुमारे भगवं गोयमं एवं वयासी-गच्छामि णं भंते अहं तुब्भेहिं सद्धिं समणं महावीरं पाववंदए अहासुहं देवाणुप्पिया मा पडिबंधं करेहि तए णं से अइमुत्ते कुमारे भगवया गोय-मेणं सद्धिं जेणेव समणे भगवं महावीरे तेणेव उवागच्छइ उवागच्छिता समणं भगवं महावीरं तिक्खुत्तो आयाहिण-पयाहिणं करेइ करेत्ता वंदइ जाव पञ्जुवासइ तए णं भगवं गोयमे जेणेव समणे भगवं महावीरे तेणेव उवागए [उवागच्छिता समणस्स भगवओ महावीरस्स अदूरसामंते गम्पा-मणाए पडिक्कमेइ पडिक्कमेत्ता एसणमणेसणं आलोएइ आलोएत्ता भत्तपाणं] पडिदंसेइ पडि-दंसेत्ता संजमेणं तवसा अप्पाणं भावेमाणे विहरइ तए णं समणे भगवं महावीरे अइमुत्तस्स कुमारेस्स तीसे य धम्ममाइक्खइ तए णं से अइमुत्ते कुमारे समणस्स भगवओ महावीरस्स अंतिए धम्मं सोच्चा निसम्म हट्टुट्टे एवं वयासी-सद्दहामि णं भंते निग्गंथं पाववणं जाव जं नवरं-देवाणुप्पिया अम्मा-पियरो आपुच्छामि तए णं अहं देवाणुप्पियाणं अंतिए जाव पव्वयामि अहासुहं देवाणुप्पिया मा पडिबंधं करेहि तए णं से अइमुत्ते कुमारे जेणेव अम्मापियरो तेणेव उवागए जाव इच्छामि णं अम्मयाओ तुब्भेहिं अम्मणुण्णाए समाणे समणस्स भगवओ महावीरस्स अंतिए मुंडे भवित्ता अगारओ अणगारियं पव्वइत्तए तए णं तं अइमुत्तं कुमारे अम्मापियरो एवं वयासी-चाले सि ताव तुमं पुत्ता असंबुद्धे किं णं तुमं जाणसि धम्मं तए णं से अइमुत्ते कुमारे अम्मापियरो एवं वयासी-एवं खलु अहं अम्मयाओ जं चेव जाणामि तं चेव न जाणामि जं चेव न जाणामि तं चेव जाणामि तए णं तं अइमुत्तं कुमारे अम्मापियरो एवं वयासी-कहं णं तुमं पुत्ता जं चेव जाणसि तं चेव न जाणसि जं चेव न जाणसि तं चेव जाणसि तए णं से अइमुत्ते कुमारे अम्मापियरो एवं वयासी-जाणामि अहं अम्मयाओ जहा जाएणं अवस्स मरियव्वं न जाणामि अहं अम्मयाओ काहे वा कहिं वा कहं वा कियच्चिरेणं वा न जाणामि णं अम्मयाओ केहिं कम्मायणेहिं जीवा नेरइय-तिरिक्खजोणिय-मणुस्से देवेसु उववज्जंति जाणामि णं अम्मयाओ जहा सएहिं कम्मायणेहिं जीवा नेरइया-जाव उववज्जंति एवं खलु अहं अम्मयाओ जं चेव जाणामि तं चेव न जाणामि जं चेव न जाणामि तं चेव जाणामि तं इच्छामि णं अम्मयाओ तुब्भेहिं अम्मणुण्णाए जाव पव्वइत्तए तए णं तं अइमुत्तं कुमारे अम्मापियरो जाहे नो संचाएंति बहूहिं आघवणाहिं य तं इच्छामो ते जाया एगदिवसमवि रायसिरीं पासेतए तए णं से अइमुत्ते कुमारे अम्मापिउवयणमणुयत्तमाणे तुसिणीए संचिद्धइ अभिसेओ जहा महब्बलस्स निक्ख-मणं जाव सामाइयमाइयाइं एक्कारस अंगाइं अहिज्जइ बहूइं वासाइं सामणपरियागं पाउणइ गुणारयणं तवोक्कमं जाव विपुले सिद्धे 19५-१1-15-1

● छुट्टे वगो पव्वरसमं अम्मयणं समत्तं ●

—: सो ल स मं—अ ज्ज य णं—अ ल क्के :—

(४०) तेणं कालेणं तेणं समएणं वाणारसी नवरी काममहावणे चेइए तत्थ णं वाणारसीए अलक्के नामं राया होत्था तेणं कालेणं तेणं समएणं समणे भगवं महावीरे जाव विहरइ परिसा

निगया तए णं अलक्के राया इमीसे लद्धे हट्टुद्धे जहा कोणिए जाव पञ्जुवासइ धम्मकहा तए णं से अलक्के राया समणस्स भगवओ महावीरस्स अंतिए जहा उदायणे तहा निक्खंते नवरं-जैट्टपुत्तं रजे अभिसिच्चइ एक्कारस अंगाई बहु वासा परियओ जाव विपुले सिद्धे एवं खलु जंबू समणेणं [भगवया महावीरेणं अट्टमस्स अंगस्स अंतगडदसाणं] छट्टमस्स वर्गस्स अयमट्टे पत्रत्ते ।१५।१६

● छट्टे वर्गो सौत्तसर्पं अञ्जयणं सप्तत्तं ● छट्टो वर्गो सप्ततो ●

सत्तमो-वर्गो

—: प ढ मं-अ ज्ञ य णं :—

(४१) जइ णं मंते [समणेणं भगवया महावीरेणं अट्टमस्स अंगस्स अंतगडदसाणं छट्टमस्स वर्गस्स अयमट्टे पत्रत्ते सत्तमस्स वर्गस्स के अट्टे पत्रत्ते एवं खलु जंबू समणेणं भगवया महावीरेणं अट्टमस्स अंगस्स अंतगडदसाणं सत्तमस्स वर्गस्स] तेरस अञ्जयणा पत्रत्ता तं जहा-।१६-१।१६-१

(४२) नंदा तह नंदवई नंदुत्तर नंदित्सेणिया चेव

मरूवा सुमरूत्ता महमरूत्ता मरूदेवा य अट्टमा ।।८।।-१

(४३) भद्दा य सुभद्दा य सुजाया सुमणाइया

भूयदिण्णा य बोधव्वा सेणियभज्जाण नामाई ।।९।।-२

(४४) जइ णं मंते तेरस अञ्जयणा पत्रत्ता पढमस्स णं मंते अञ्जयणस्स अंतगडदसाणं के अट्टे पत्रत्ते, एवं खलु जंबू तेणं कालेणं तेणं समएणं रायगिहे नयरे गुणसिलए चेइए सेणिए राया-वण्णओ तस्स णं सेणियस्स रण्णो नंदा नाम देवी होत्था-वण्णओ सामी समोसडे परिसा निगया तए णं सा नंदा देवी इमीसे कहाए लद्धा हट्टुद्धा कोडुंबियपुरिसे सहावेइ सहावेत्ता जाणं दुरुहइ जहा पउमावई जाव एक्कारस अंगाई अहिज्जिता वीसं वासाई परियाओ जाव सिद्धा ।१६-२।१६-२

● सत्तमे वर्गो पढमं अञ्जयणं सप्तत्तं ●

—: २-१३-अ ज्ञ य णा णि :—

(४५) एवं तेरस वि देवीओ नंदागमेण नेयव्वाओ ।१६।-१६

● सत्तमे वर्गो २-१३ अञ्जयणाणि सप्तत्तानि ● सत्तमो वर्गो सप्ततो ●

अट्टमो-वर्गो

—: प ढ मं अ ज्ञ य णं-काली :—

(४६) जइ णं मंते [समणेणं भगवया महावीरेणं अट्टमस्स अंगस्स अंतगडदसाणं सत्तमस्स वर्गस्स अयमट्टे पत्रत्ते अट्टमस्स वर्गस्स के अट्टे पत्रत्ते एवं खलु जंबू समणेणं भगवया महावीरेणं अट्टमस्स अंगस्स अंतगडदसाणं अट्टमस्स वर्गस्स] दस अञ्जयणा पत्रत्ता तं जहा ।१७-१।१७-१

(४७) काली सुकाली महाकाली कण्हा सुकण्हा महाकण्हा

वीरकण्हा य बोधव्वा रामकण्हा तहेव य

पिउसेणकण्हा नवमी दसमी महासेणकण्हा य ।।१०।।-१

(४८) जइ अट्टमस्स अंगस्स दस अञ्जयणा पत्रत्ता पढमस्स णं मंते अञ्जयणस्स अंतगडदसाणं के अट्टे पत्रत्ते एवं खलु जंबू तेणं कालेणं तेणं समएणं चंपा नामं नयरी होत्था पुत्रभट्टे चेइए तत्थ णं चंपाए नयरीए कोणिए राया-वण्णओ तत्थ णं चंपाए नयरीए सेणियस्स रण्णो भज्जा कोणियस्स रण्णो चुल्लमाउया काली नामं देवी होत्था-वण्णओ जहा नंदा जाव सामाइयमाइयाई

एक्कारस अंगाई अहिजइ बहुहिं [चउत्थ] तवोकम्मैहिं अप्पाणं भावेमाणी विहरइ तए णं सा काली अज्जा अण्णया कयाइ जेणैव अज्जचंदणा अज्जा तेणैव उवागया उवागच्छिता एवं वयासी-इच्छामि णं अज्जाओ तुव्पेहिं अब्भणुण्णया समाणी रयणावल्लिं तवं उवसंपज्जिता णं विहरिताए अहासुहं देवाणुप्पियाए मा पडिबंधं करेहि तए णं सा सा काली अज्जा अज्जचंदणाए अब्भणुण्णया समाणी रयणावल्लिं तवं उवसंपज्जिता णं विहरइ तं जहा-

चउत्थं करेइ करेता सव्वकामगुणियं पारेइ छट्ठं करेइ करेता सव्वकामगुणियं पारेइ अट्ठमं करेइ करेता सव्वकामगुणिय पारेइ अट्ठं करेइ करेता सव्वकामगुणियं पारेइ चउत्थं करेइ करेता सव्वकामगुणियं पारेइ छट्ठं करेइ करेता सव्वकामगुणियं पारेइ अट्ठमं करेइ करेता सव्वकामगुणियं पारेइ दसमं करेइ करेता सव्वकामगुणियं पारेइ दुयालसमं करेइ करेता सव्वकामगुणियं पारेइ चोइसमं करेइ करेता सव्वकामगुणियं पारेइ सोलसमं करेइ करेता सव्वकामगुणियं पारेइ अट्टारसमं करेइ करेता सव्वकामगुणियं पारेइ वीसइमं करेइ करेता सव्वकामगुणियं पारेइ बावीसइमं करेइ करेता सव्वकामगुणियं पारेइ चउवीसइमं करेइ करेता सव्वकामगुणियं पारेइ छव्वीसइमं करेइ करेता सव्वकामगुणियं पारेइ अट्ठवीसइमं करेइ करेता सव्वकामगुणियं पारेइ तीसइमं करेइ करेता सव्वकामगुणियं पारेइ तीसइमं करेइ करेता सव्वकामगुणियं पारेइ बत्तीसइमं करेइ करेता सव्वकामगुणियं पारेइ चोतीसइमं करेइ करेता सव्वकामगुणियं पारेइ चोतीसं छट्ठाइं करेइ करेता सव्वकामगुणियं पारेइ

चोतीसइमं करेइ करेता सव्वकामगुणियं पारेइ बत्तीसइमं करेइ करेता सव्वकामगुणियं पारेइ तीसइमं करेइ करेता सव्वकामगुणियं पारेइ अट्ठवीसइमं करेइ करेता सव्वकामगुणियं पारेइ छव्वीसइमं करेइ करेता सव्वकामगुणियं पारेइ चउवीसइमं करेइ करेता सव्वकामगुणियं पारेइ बावीसइमं करेइ करेता सव्वकामगुणियं पारेइ वीसइमं करेइ करेता सव्वकामगुणियं पारेइ अट्टारसमं करेइ करेता सव्वकामगुणियं पारेइ सोलसमं करेइ करेता सव्वकामगुणियं पारेइ चोइसमं करेइ करेता सव्वकामगुणियं पारेइ बारसमं करेइ करेता सव्वकामगुणियं पारेइ दसमं करेइ करेता सव्वकामगुणियं पारेइ अट्ठमं करेइ करेता सव्वकामगुणियं पारेइ छट्ठं करेइ करेता सव्वकामगुणियं पारेइ चउत्थं करेइ करेता सव्वकामगुणियं पारेइ अट्ठं करेइ करेता सव्वकामगुणियं पारेइ छट्ठाइं करेइ करेता सव्वकामगुणियं पारेइ अट्ठमं करेइ करेता सव्वकामगुणियं पारेइ छट्ठं करेइ करेता सव्वकामगुणियं पारेइ चउत्थं करेइ करेता सव्वकामगुणियं पारेइ एवं खलु एसा रयणावलीए तवोकम्मस्स पढमा परिवाडी एणेणं संवच्छरेणं तिहिं मासेहिं बावीसाए य अहोरत्तेहिं अहासुत्तं जाव आराहिया भवइ तयाणंतं च णं दोच्चाए परिवाडीए चउत्थं करेइ करेता विगइवज्जं पारेइ छट्ठं करेइ करेता विगइवज्जं पारेइ एवं जहा पढमाए परिवाडीए तहा बीयाए वि नवरं-सव्वपारणए विगइवज्जं पारेइ जाव आराहिया भवइ तयाणंतं च णं तच्चाए परिवाडीए चउत्थं करेइ करेता अलेवाडं पारेइ सेसं तं तहैव नवरं नलेवाडं पारेइ एवं चउत्था परिवाडी नवरं-सव्वपारणए आयंबिलं पारेइ सेसं तं चैव ।१७-२।-१७-२

(४९) पढमं सव्वकामं पारणयं विइयए विगइवज्जं

तइयमि अलेवाडं आयंबिलमो चउत्थमि

॥११॥-१

(५०) तए णं सा काली अज्जा रयणवली-तवोकम्मं पंचहिं संवच्छरेहिं दोहि य मासेहिं अट्ठवीसाए य दिवसेहिं अहासुत्तं जाव आराहेता जेणैव अज्जचंदणा अज्जा तेणैव उवागच्छइ उवा-

गच्छिता अञ्जचंदणं अञ्जं वंदि नमंसइ वंदिता नमंसिता बहूहिं चउत्थ जाव अप्पाणं भावेमाणी विहरइ तए णं सा काली अञ्जा तेणं ओरालेणं [विउलेणं पयतेणं पग्गहिएणं कल्लाणेणं सिवेणं घण्णेमं मंगल्लेणं सस्सिरीएणं उदग्गेणं उदत्तेणं उत्तमेणं उदारेणं महागुभागेणं तवोकम्मेणं सुक्का लुक्का निम्मंसा अट्टिचम्पावणद्धा किडिकिडियाभूया कित्सा] धमणिसंतया जाया यावि होत्था जीवंजीवेणं गच्छइ जाव सुहुयहुयासणे इव भासरासिपलिच्छण्णा तवेणं तेएणं तवतेयसिरीए अईव-अईव उवसोहेमाणी-उवसोहेमाणी चिद्धइ तए ण तीसे कालीए अञ्जाए अण्णया कयाइ पुव्वरत्ता-वरत्ताकाले अयमज्झत्यिए वित्तिए पत्थिए मणोगए संकपे समुप्पज्जित्या जहा खंदयस्स वित्ता जाव अत्थि उट्ठाणे कम्मे वले वीरिए पुरिसक्कार-परक्कमे तावता मे सेयं कल्लं पाउप्पमायाए रयणीए जाव उट्ठिमि रुरे सहस्सरस्सिमि दिणयरे तेयसा जलते अञ्जचंदणं अञ्जं आपुच्छिता अञ्जचंदणाए अञ्जाए अब्भणुण्णायाए समाणीए संलेहणा-झूसणा-झूसियाए भत्तपाण-पडियाइ- विखयाए कालं अणवकंखमाणीए विहरित्तए ति कट्ठु एवं संपेहेइ संपेहेत्ता कल्लं जेणेव अञ्जचंदणा अञ्जा तेणेव उवागच्छइ उवागच्छित्ता अञ्जचंदणं अञ्जं वंदइ नमंसइ वंदिता नमंसिता एवं वयासी-इच्छामि णं अञ्जो तुब्भेहिं अब्भणुण्णाया समाणी संलेहणा-जाव विहरित्तए अहासुहं तए णं सा काली अञ्जा अञ्जचंदणाए अब्भणुण्णाया समाणी संलेहणा-झूसणा-झूसिया जाव विहरइ तए णं सा काली अञ्जा अञ्जचंदणाए अत्तिए सामाड्यमाइयाइ एक्कारस अंगाइ अहिज्जिता बहुपडिपुत्राई अट्टु संवच्छराई सामणपरियागं पाउणित्ता मासियाए संलेहणाए अत्ताणं झूसित्ता सट्ठि भत्ताइ अणसणाए छेदित्ता जस्सट्ठाए करीइ नग्गभावे जाव चरिमुस्सासेहिं सिद्धा निक्खेवओ।१७।-१७

● अट्टमे वण्णे पटवं अञ्जयणं समत्तं ●

—: बी यं अ ज्ज य णं—सु का ली :-

(५१) तेणं कालेणं तणं समएणं चंपा नामं नयरी पुन्नमट्ठे चेइए कोणिए राया तत्थ णं सेणियस्स रण्णो भञ्जा कोणियस्स रण्णो चुल्लमाउया सुकाली नामं देयी होत्था जहा काली तहा सुकाली वि निक्खंता जाव बहूहिं जाव तवोकम्मेहिं अप्पाणं भावेमाणी विहरइ तए णं सा सुकाली अञ्जा अण्णया कयाइ जेणेव अञ्जचंदणा अञ्जा [तेणेव उयागया उवागच्छित्ता एवं वयासी]-इच्छामि णं अञ्जाओ तुब्भेहिं अब्भणुण्णाया समाणी कणगावली-तवोकम्पं उवसंपज्जित्ता णं विहरित्तए एवं जहा रयणावली तहा कणगावली वि नवरं-तिसु ठाणेसु अट्टमाइं करेइ जहिं रयणावलीए छट्ठाइं एक्काए परिवडीए संवच्छरो पंच मासा बारस य अहोरत्ता चउण्हं पंच वरिसा नव मासा अट्टारस दिवसा सेसं तहेव नव वासा परिवआ जाव सिद्धा।१८।१८

● अट्टमे वण्णे बीअं अञ्जयणं समत्तं ●

—: त इ यं अ ज्ज य णं—म हा का ली :-

(५२) एवं-महाकाली वि नवरं-खुट्ठागं सीहनिक्कीलियं तवोकम्पं उवसंपज्जित्ता णं विहरइ तं जहा- चउत्थं करेइ करेत्ता सव्वकामगुणियं पारेइ छट्ठुं करेइ करेत्ता सव्वकामगुणियं पारेइ चउत्थं करेइ करेत्ता सव्वकामगुणियं पारेइ अट्टमं करेइ करेत्ता सव्वकामगुणियं पारेइ छट्ठुं करेइ करेत्ता सव्वकामगुणियं पारेइ दसमं करेइ करेत्ता सव्वकामगुणियं पारेइ अट्टमं करेइ करेत्ता सव्वकामगुणियं पारेइ दुवालसमं करेइ करेत्ता सव्वकामगुणियं पारेइ दसमं करेइ करेत्ता सव्वकामगुणियं पारेइ चौद्दसमं करेइ करेत्ता सव्वकामगुणियं पारेइ दुवालसं करेइ करेत्ता

सव्यकामगुणियं पारेइ सोलसमं करेइ करेत्ता सव्यकामगुणियं पारेइ चोइसमं करेइ करेत्ता सव्यकामगुणियं पारेइ अट्टारसमं करेइ करेत्ता सव्यकामगुणियं पारेइ सोलसमं करेइ करेत्ता सव्यकामगुणियं पारेइ सोलसमं करेइ करेत्ता सव्यकामगुणियं पारेइ वीसइमं करेइ करेत्ता सव्यकामगुणियं पारेइ अट्टारसमं करेइ करेत्ता सव्यकामगुणियं पारेइ वीसइमं करेइ करेत्ता सव्यकामगुणियं पारेइ सोलसमं करेइ करेत्ता सव्यकामगुणियं पारेइ अट्टारसमं करेइ करेत्ता सव्यकामगुणियं पारेइ चोइसमं करेइ करेत्ता सव्यकामगुणियं पारेइ सोलसमं करेइ करेत्ता सव्यकामगुणियं पारेइ वारसमं करेइ करेत्ता सव्यकामगुणियं पारेइ चोइसमं करेइ करेत्ता सव्यकामगुणियं पारेइ दसमं करेइ करेत्ता सव्यकामगुणियं पारेइ बारसमं करेइ करेत्ता सव्यकामगुणियं पारेइ अट्टमं करेइ करेत्ता सव्यकामगुणियं पारेइ दसमं करेइ करेत्ता सव्यकामगुणियं पारेइ छट्ठं करेइ करेत्ता सव्यकामगुणियं पारेइ अट्टमं करेइ करेत्ता सव्यकामगुणियं पारेइ चउत्थं करेइ करेत्ता सव्यकामगुणियं पारेइ छट्ठं करेइ करेत्ता सव्यकामगुणियं पारेइ चउत्थं करेइ करेत्ता सव्यकामगुणियं पारेइ तहेव चत्तारि परिवाडीओ एक्काए परिवाडीए छम्मासा सत्त य दिवसा चउत्थं दो वरिसा अट्टावीसा य दिवसा जाव सिद्धा 19९1-19

● अट्टमे वणो तइअं अज्जयणं समत्तं ●

—: च उ त्थं अ ज्ज य णं—क ण्हा :—

(५३) एवं-कण्हा वि नवरं-महालयं सीहणिककीलियं तवोकम्भं जहेव खुट्ठागं नवरं-चोत्तीसइमं जाव नेयव्वं तहेव ओसारोवव्वं एक्काए वरिसं छम्मासा अट्टारस य दिवसा चउत्थं छव्वरिसा दो मासा वारस य अहोरता सेसं जहा कालीए जाव सिद्धा 1२०1-20

● अट्टमे वणो चउत्थं अज्जयणं समत्तं ●

—: पं च मं अ ज्ज य णं—सु क ण्हा :—

(५४) एवं-सुकण्हा वि नवरं-सत्तसत्तमियं भिक्खुपडिमं उवसंपज्जिता णं विहरइ पढमे सत्तए एक्केक्कं भोयणस्स दत्तिं पडिगाहेइ एक्केक्कं पाणयस्स दोच्चे सत्तए दो-दो भोयणस्स दो-दो पाणयस्स पडिगाहेइ तच्चे सत्तए तिण्णि-तिण्णि दत्तीओ भोयणस्स तिण्णि-तिण्णि दत्तीओ पाणयस्स चउत्थं सत्तए चत्तारि-चत्तारि दत्तीओ भोयणस्स चत्तारि-चत्तारि दत्तीओ पाणयस्स पंचमे सत्तए पंच-पंच दत्तीओ भोयणस्स पंच-पंच दत्तीओ पाणयस्स छट्ठे सत्तए छ-छ दत्तीओ भोयणस्स छ-छ दत्तीओ पाणयस्स सत्तमे सत्तए सत्त-सत्त दत्तीओ भोयणस्स सत्त-सत्त दत्तीओ पाणयस्स पडिगाहेइ एवं खलु एवं सत्तसत्तमियं भिक्खुपडिमं एणुणपन्नाए रातिदिएहिं एणेणं य छ-नउएण भिक्खासएणं अहासुत्तं जाव आराहेत्ता जेणेव अज्जचंदणा अज्जा तेणेव उवागया उवागच्छिता अज्जचंदणं अज्जं वंदइ नमंसइ वंदित्ता नमंसित्ता एवं वचासी-इच्छामि णं अज्जाओ तुब्भेहिं अब्ब-गुण्णाया समाणी अट्टट्टमियं भिक्खुपडिमं उवसंपज्जिता णं विहरेत्तए अहासुत्तं देवाणुणिए मा पडि-बंधं करेहि तए णं सा सुकण्हा अज्जा अज्जचंदणाए अज्जाए अब्बगुण्णाया समाणी अट्टट्टमियं भिक्खु-पडिमं उवसंपज्जिता णं विहरइ-पढमे अट्टए एक्केक्कं भोयणस्स दत्तिं पडिगाहेइ एक्केक्कं पाण-यस्स जाव अट्टमे अट्टए अट्टट्ट भोयणस्स पडिगाहेइ अट्टट्ट पाणयस्स एवं खलु एवं अट्टट्टमियं भिक्खु-पडिमं चउसट्टीए रातिदिएहिं दोहि य अट्टासीएहिं भिक्खासएहिं अहासुत्तं आराहेत्ता जाव नवन-वमियं भिक्खुपडिमं उवसंपज्जिता णं विहरइ-पढमे नवए एक्केक्कं भोयणस्स दत्तिं पडिगाहेइ

—: न व र्म अ ङ्ग य णं—पि उ से ण क ण्हा :—

(५८) एवं-पिउसेणकण्हा वि नवरं-मुत्तावलिं तवोकम्पं उवसंपज्जिता णं विहरइ तं जहा-चउत्थं करेइ करेत्ता सव्वकामगुणियं पारेइ छट्ठं करेइ करेत्ता सव्वकामगुणियं पारेइ चउत्थं करेइ करेत्ता सव्वकामगुणियं पारेइ अट्ठमं करेइ करेत्ता सव्वकामगुणियं पारेइ चउत्थं करेइ करेत्ता सव्वकामगुणियं पारेइ दसमं करेइ करेत्ता सव्वकामगुणियं पारेइ चउत्थं करेइ करेत्ता सव्वकामगुणियं पारेइ दुवालसमं करेइ करेत्ता सव्वकामगुणियं पारेइ चउत्थं करेइ करेत्ता सव्वकामगुणियं पारेइ चोद्दसमं करेइ करेत्ता सव्वकामगुणियं पारेइ चउत्थं करेइ करेत्ता सव्वकामगुणियं पारेइ सोलसमं करेइ करेत्ता सव्वकामगुणियं पारेइ चउत्थं करेइ करेत्ता सव्वकामगुणियं पारेइ अट्ठारसमं करेइ करेत्ता सव्वकामगुणियं पारेइ चउत्थं करेइ करेत्ता सव्वकामगुणियं पारेइ वीसइमं करेइ करेत्ता सव्वकामगुणियं पारेइ चउत्थं करेइ करेत्ता सव्वकामगुणियं पारेइ बावीसइमं करेइ करेत्ता सव्वकामगुणियं पारेइ चउत्थं करेइ करेत्ता सव्वकामगुणियं पारेइ चउवीसइमं करेइ करेत्ता सव्वकामगुणियं पारेइ चउत्थं करेइ करेत्ता सव्वकामगुणियं पारेइ अट्ठावीसइमं करेइ करेत्ता सव्वकामगुणियं पारेइ चउत्थं करेइ करेत्ता सव्वकामगुणियं पारेइ तीसइमं करेइ करेत्ता सव्वकामगुणियं पारेइ चउत्थं करेइ करेत्ता सव्वकामगुणियं पारेइ बत्तीसइं करेइ करेत्ता सव्वकामगुणियं पारेइ चउत्थं करेइ करेत्ता सव्वकामगुणियं पारेइ चोत्तीसइमं करेइ करेत्ता सव्वकामगुणियं पारेइ चउत्थं करेइ करेत्ता सव्वकामगुणियं पारेइ वत्तीसइमं करेइ करेत्ता सव्वकामगुणियं पारेइ एवं तहेव ओसारेइ जाव चउत्थं करेइ करेत्ता सव्वकामगुणियं पारेइ एक्काए कालो एक्कारस मासा पन्नरस य दिवसा चउत्थं तिण्णि वरिसा दस य मासा सेसं जाव सिद्धा।२५।-२५

● अइमेवणे नवमं अङ्कवर्णं समत्तं ●

—: द स र्म अ ङ्ग य णं—म हा से ण क ण्हा :—

(५९) एवं-महासेणकण्हा वि नवरं-आयंबिलवड्ढमाणं तवोकम्पं उपसंपज्जिता णं विहरइ तं जहा-आयंबिलं करेइ करेत्ता चउत्थं करेइ वे आयंबिलाइं करेइ करेत्ता चउत्थं करेइ तिण्णि आयंबिलाइं करेइ करेत्ता चउत्थं करेइ चत्तारि आयंबिलाइं करेइ करेत्ता चउत्थं करेइ पंच आयंबिलाइं करेइ करेत्ता चउत्थं करेइ छ आयंबिलाइं करेइ करेत्ता चउत्थं करेइ एवं एक्कुत्तरियाए यड्ढीए आयंबिलाइं वड्ढंति चउत्थं तरियाइं जाव आयंबिलसयं करेइ करेत्ता चउत्थं करेइ तए णं सा महासेणकण्हा अज्जा आयंबिलवड्ढमाणं तवोकम्पं चोद्दसहिं वासेहिं तिहि य मासेहिं वीसहि य अहोरतेहिं अहासुत्तं जाव आराहेत्ता जेणेव अज्जचंदणा अज्जा तेणेव उवागया उवागच्छिता जाव नमंसित्ता बहूहिं [चउत्थं]-[तवोकम्पेहिं अप्पाणं] भावेमाणी विहरइ तए णं सा महासेणकण्हा अज्जा तेणं ओरालेणं जाव तवेणं तेणं तयतेय सिरीए अईव-अईव उवसोहेमाणी चिद्धइ तए णं तीसे महासेणकण्हाए अज्जाए अण्णया कयाइ पुव्वरत्तावरत्तकाले चिंता जहा खंदयसस जाव अज्जचंदणं अज्जं आपुच्छइ जाव संलेहणा कालं अणवकखंमाणी विहरइ तए णं सा महासेणकण्हा अज्जा अज्जचंदणाए अज्जाए अंतिए सामाइयमाइयाइं एक्कारस अंगाइं अहिज्जिता बहुपडिपुत्राइं सतरस वासाइं परिचायं पालइत्ता मासियाए संलेहणाए अप्पाणं झूसित्ता सट्ठिं मत्ताइं अणसणाए छेदिता जस्सट्ठाए कीरइ नग्गभावे जाव तमट्ठं आराहेइ आराहेत्ता चरिमउस्सासनिस्सासेहिं सिद्धा।२६-१।-२६-४

(६०) अट्ट य वासा आई एकूकोत्तरयाए जाव सत्तरस

एसो खलु परियाओ सेणियमज्जाण नायव्यो

॥१२॥-१

(६१) एवं खलु जंबू समणेणं भगवया महावीरेणं जाव संपत्तेणं अट्टमस्स अंगस्स
अंतगडदसाणं अयमट्ठे पत्रत्ते ॥२६॥-२६

(६२) अंतगडदसाणं अंगस्स एगो सुयखंधो अट्ट वग्गा अट्टसु चेव दिवसेसु उद्धिस्सति
तत्थ पढमबिड्ढवग्गे दस-दस उद्धेसगा तड्ढवग्गे तेरस उद्धेसगा चउत्थपंचमवग्गे दस-दस
उद्धेसगा छट्ठवग्गे सोलस उद्धेसगा सत्तमवग्गे तेरस उद्धेसगा अट्टमवग्गे दस उद्धेसगा सेसं जहा
नाया- धम्मकहाणं ॥२७॥-२७

● अट्टमे वग्गे दसमं अट्टमयणं समत्तं ● अट्टमो वग्गो समत्तो ●

८ अंतगड दसाओ समत्ताओ

अट्टमं अंगसुत्तं समत्तं

[5]

-: अ-भा-रा- प्र-का-श-नी :-

- [१] अभिनव हेम लघुप्रक्रिया -१- सप्ताङ्ग विवरणम्
 [२] अभिनव हेम लघुप्रक्रिया -२- सप्ताङ्ग विवरणम्
 [३] अभिनव हेम लघुप्रक्रिया -३- सप्ताङ्ग विवरणम्
 [४] अभिनव हेम लघुप्रक्रिया -४- सप्ताङ्ग विवरणम्
 [५] धृन्तमाला
 [६] चैत्यवन्दन पर्वमाला
 [७] चैत्यवन्दन सङ्ग्रह - तीर्थजिनविशेष
 [८] चैत्यवन्दन चोविशी
 [९] शत्रुञ्जय पक्ति [आवृत्ति-दो]
 [१०] अभिनव जैन पञ्चाङ्ग - २०४६
 [११] अभिनव उपदेश प्रासाद -१- श्रावक कर्तव्य - १ धी ११
 [१२] अभिनव उपदेश प्रासाद -२- श्रावक कर्तव्य - १२ धी १५
 [१३] अभिनव उपदेश प्रासाद -३- श्रावक कर्तव्य - १६ धी ३६
 [१४] नवपद-श्रीपाल - [शाश्वती ओष्णीना व्याख्यान रूपे]
 [१५] समाधिभरज्ञ [विधि-सूत्र-पद्य-आराधना- मरणाभेद-संग्रह]
 [१६] शैत्यवन्दनमाणा [७७७ शैत्यवन्दनो नो संग्रह]
 [१७] तत्त्वार्थ सूत्र प्रबोधटीका [अध्याय-१]
 [१८] तत्त्वार्थ सूत्रना आगम आधार स्थानो
 [१९] सिद्धायलनो साधी [आवृत्ति-भे]
 [२०] शैत्यपरिपाटी
 [२१] अमदावाह जिनमंदिर उपाश्रय आदि डिरेक्टरी
 [२२] शत्रुञ्जय ललित [आवृत्ति-भे]
 [२३] श्री नवकारभंत्र नवलाभ जाप नोधपोधी
 [२४] श्री आरित्र पद्य ऐक करोड जाप नोधपोधी
 [२५] श्री आरत्रत पुस्तिका तथा अन्य नियमो [आवृत्ति-भार]
 [२६] अभिनव जैन पंचांग- २०४२; [सर्व प्रथम, १३ विभागोभां]
 [२७] श्री ज्ञानपद्य पूजा
 [२८] अंतिम आराधना तथा साधु साध्वी काणधर्म विधि
 [२९] श्रावक अंतिम आराधना [आवृत्ति-भार]
 [३०] वीतराग स्तुति संयय [११५१-त्वाववाही स्तुतिओ]
 [३१] (पूज्य आगमोद्धारकश्रीना समुदायना) कायमी संपर्क स्थलो
 [३२] तत्त्वार्थाधिगमसूत्र अभिनवटीका - अध्याय-१
 [३३] तत्त्वार्थाधिगमसूत्र अभिनवटीका - अध्याय-२
 [३४] तत्त्वार्थाधिगमसूत्र अभिनवटीका - अध्याय-३

[6]

- [३५] तत्त्वार्थाधिगम सूत्र अभिनवटीका- अध्याय-४
 [३६] तत्त्वार्थाधिगम सूत्र अभिनवटीका- अध्याय-५
 [३७] तत्त्वार्थाधिगम सूत्र अभिनवटीका- अध्याय-६
 [३८] तत्त्वार्थाधिगम सूत्र अभिनवटीका- अध्याय-७
 [३९] तत्त्वार्थाधिगम सूत्र अभिनवटीका- अध्याय-८
 [४०] तत्त्वार्थाधिगम सूत्र अभिनवटीका- अध्याय-९
 [४१] तत्त्वार्थाधिगमसूत्र अभिनवटीका- अध्याय-१०



[४२] आयाओ	[आगमसुत्ताणि-१]	पदमं अंगसुत्तं
[४३] सूयगडो	[आगमसुत्ताणि-२]	बीअं अंगसुत्तं
[४४] टाणं	[आगमसुत्ताणि-३]	तइयं अंगसुत्तं
[४५] समवाओ	[आगमसुत्ताणि-४]	चउत्तं अंगसुत्तं
[४६] विवाहपत्रत्ति	[आगमसुत्ताणि-५]	पंचमं अंगसुत्तं
[४७] नायाधम्मकहाओ	[आगमसुत्ताणि-६]	छट्ठं अंगसुत्तं
[४८] उवासगदसाओ	[आगमसुत्ताणि-७]	सत्तमं अंगसुत्तं
[४९] अंतगडदसाओ	[आगमसुत्ताणि-८]	अट्ठमं अंगसुत्तं
[५०] अनुत्तारोववाईवदसाओ	[आगमसुत्ताणि-९]	नवमं अंगसुत्तं
[५१] पणहावागरणं	[आगमसुत्ताणि-१०]	दसमं अंगसुत्तं
[५२] विवागसूयं	[आगमसुत्ताणि-११]	एक्खरसमं अंगसुत्तं
[५३] उववाइअं	[आगमसुत्ताणि-१२]	पदमं उवंगसुत्तं
[५४] रायपसेणियं	[आगमसुत्ताणि-१३]	बीअं उवंगसुत्तं
[५५] जीवाजीवाभिमम	[आगमसुत्ताणि-१४]	तइयं उवंगसुत्तं
[५६] पत्रवणा-सुत्त	[आगमसुत्ताणि-१५]	चउत्तं उवंगसुत्तं
[५७] सूरपत्रत्ति	[आगमसुत्ताणि-१६]	पंचमं उवंगसुत्तं
[५८] चंदपत्रत्ति	[आगमसुत्ताणि-१७]	छट्ठं उवंगसुत्तं
[५९] जंबूहीवपत्रत्ति	[आगमसुत्ताणि-१८]	सत्तमं उवंगसुत्तं
[६०] निरयावलिवाणं	[आगमसुत्ताणि-१९]	अट्ठमं उवंगसुत्तं
[६१] कप्पवडिसयाणं	[आगमसुत्ताणि-२०]	नवमं उवंगसुत्तं
[६२] पुप्फियाणं	[आगमसुत्ताणि-२१]	दसमं उवंगसुत्तं
[६३] पुप्फचूलियाणं	[आगमसुत्ताणि-२२]	एक्खरसमं उवंगसुत्तं
[६४] धण्हिदसाणं	[आगमसुत्ताणि-२३]	धारसमं उवंगसुत्तं
[६५] चउसरण	[आगमसुत्ताणि-२४]	पदमं परीणणं
[६६] आउरपच्चक्खाण	[आगमसुत्ताणि-२५]	बीअं परीणणं
[६७] महापच्चक्खाण	[आगमसुत्ताणि-२६]	तइअं परीणणं
[६८] भत्त परिण्णा	[आगमसुत्ताणि-२७]	चउत्तं परीणणं

[7]

[૬૧] તંદુલવૈયાલિયં	[આગમસુત્તાણિ-૨૮]	પંચમં પર્દૈષ્ણગં
[૭૦] સંધારણં	[આગમસુત્તાણિ-૨૯]	છટ્ઠં પર્દૈષ્ણગં
[૭૧] ગચ્છાવાર	[આગમસુત્તાણિ-૩૦-૧]	સત્તમં પર્દૈષ્ણગં-૧
[૭૨] ચંદાવિજય	[આગમસુત્તાણિ-૩૦-૨]	સત્તમં પર્દૈષ્ણગં-૨
[૭૩] ગણિવિજ્ઞા	[આગમસુત્તાણિ-૩૧]	અટ્ઠમં પર્દૈષ્ણગં
[૭૪] દેવિંદત્યઓ	[આગમસુત્તાણિ-૩૨]	નવમં પર્દૈષ્ણગં
[૭૫] મરણસમાહિ	[આગમસુત્તાણિ-૩૩/૧]	દસમં પર્દૈષ્ણગં-૧
[૭૬] વીરત્યવ	[આગમસુત્તાણિ-૩૩/૨]	દસમં પર્દૈષ્ણગં-૨
[૭૭] નિસીહ	[આગમસુત્તાણિ-૩૪]	પદ્મં છેયસુતં
[૭૮] બુહત્ કપ્પો	[આગમસુત્તાણિ-૩૫]	બીઅં છેયસુતં
[૭૯] વવહાર	[આગમસુત્તાણિ-૩૬]	તદ્અં છેયસુતં
[૮૦] દસાસુયક્કંધં	[આગમસુત્તાણિ-૩૭]	ચડત્યં છેયસુતં
[૮૧] જીયકપ્પો	[આગમસુત્તાણિ-૩૮/૧]	પંચમ છેયસુતં-૧
[૮૨] પંચકપ્પભાસ	[આગમસુત્તાણિ-૩૮/૨]	પંચમ છેયસુતં-૨
[૮૩] મહાનિસીહ	[આગમસુત્તાણિ-૩૯]	છટ્ઠં છેયસુતં
[૮૪] આવસ્સયં	[આગમસુત્તાણિ-૪૦]	પદ્મં મૂલસુતં
[૮૫] ઓહનિજ્ઞુત્તિ	[આગમસુત્તાણિ-૪૧/૧]	બીઅં મૂલસુતં-૧
[૮૬] પિંડનિજ્ઞુત્તિ	[આગમસુત્તાણિ-૪૧/૨]	બીઅં મૂલસુતં-૨
[૮૭] દસવેચાલિઅં	[આગમસુત્તાણિ-૪૨]	તદ્અં મૂલસુતં
[૮૮] ઉત્તરઙ્ગયણં	[આગમસુત્તાણિ-૪૩]	ચડત્યં મૂલસુતં
[૮૯] નંદીસૂયં	[આગમસુત્તાણિ-૪૪]	પદ્મા ચૂલિયા
[૯૦] અણુઓગદારાઈ	[આગમસુત્તાણિ-૪૫]	વિતિયા ચૂલિયા

નોંધ : પ્રકાશન ૧તી ૪૧ અભિનવ શ્રુત પ્રકાશને પ્રગટ કરેલ છે.

પ્રકાશન ૪૨-૯૦ આગમ શ્રુત પ્રકાશને પ્રગટ કરેલ છે.

● ૪૫ આગમ-સેટ ના પ્રાપ્તિસ્થાનો ●


શ્રી ડી. કે. ઠક્કર ૧૬, અલકાનગર, ટ્રિયલક્ષ્મી મિલ્સ પાસે એલેક્ષિક રોડ, વડોદરા	શ્રી જગદીશભાઈ એમ. શાહ ૧-અલકાનંદા સોસાયટી, આજાદ સ્વીટ્સ સામે, આશ્રમ રોડ, વાડજ, અમદાવાદ
શ્રીમતી નમનાબેન રમેશચંદ્ર શાહ ૨૦, ગૌતમનગર સોસાયટી રેસકોર્સ સર્કલ પાસે, વડોદરા	ડૉ. પિનાકીન એન. શાહ ૨૧, સુભાષનગર, ગિરધરનગર, શાહીબાગ, અમદાવાદ

નોંધ:- આગમના ૧-સેટ માટે 'આગમ શ્રુત પ્રકાશન' વડોદરા નો રૂ. ૧૫૦૦/-
ની કિંમતનો ડ્રાફ્ટ આપીને જ સેટ મેળવી શકશો.

[8]

:-: परिसिद्ध-निदंसणं :-:

- ૧ પઢમં પરિસિદ્ધં - “વિસયાણુકકમો”
આ પરિશિષ્ટમાં ૪૫-[૪૯] આગમનાં વિષયોની બૃહદ્ અનુક્રમશિકા છે. જે માટે અમારું ભાવિ પ્રકાશન “૪૫-આગમ બુહત્ વિસય કોસ” જેવું.
- ૨- બીયં પરિસિદ્ધં “વિસિદ્ધ સહાણુકકમો”
આ પરિશિષ્ટમાં ૪૫-[૪૯] આગમનાં વિશિષ્ટ શબ્દો કક્કાવારી મુજબ ગોઠવાયેલા છે. તથા જે-તે શબ્દ જે-જે આગમમાં આવેલો છે તેનો સ્થળ નિર્દેશ કરેલો છે. તેને આગમ શબ્દ સંદર્ભ-કોસ પણ કહી શકાય તે માટે અમારું ભાવિ પ્રકાશન “૪૫-આગમ વિસિદ્ધ સદ્કોસ” જેવું.
- ૩- તદ્વયં પરિસિદ્ધં- “વિસેસ નામાણુકકમો”
૪૫-[૪૯] આગમમાં આવતા ખાસ નામો જેવા કે ગોયમ, સોમિલ, ...વગેરે કક્કાવારી ક્રમમાં ગોઠવી, તેનો આગમ-સંદર્ભ આ પરિશિષ્ટમાં રજૂ કરાયો છે. જે માટે અમારું ભાવિ પ્રકાશન “૪૫-આગમ વિસેસ નામ કોસ” જેવું.
- ૪- ઘટત્યં પરિસિદ્ધં - “ગાહાણુકકમો”
૪૫-[૪૯] આગમમાં આવતી ગાથાને અ કારાદિ ક્રમમાં રજૂ કરેલ છે. સાથે સાથે તે-તે ગાથાનો સ્થળ નિર્દેશ કરેલો છે. જે માટે અમારું ભાવિ પ્રકાશન “૪૫-આગમ ગાહાણુકકમો” જેવું.
- ૫- પંચમં પરિસિદ્ધં “સુતાણુકકમો”
૪૫-[૪૯] આગમમાં આવતા સૂત્રોને અ કારાદિ ક્રમમાં સ્થળ નિર્દેશ પૂર્વક રજૂ કરવા વિચારણા છે. ભાવિ ઉપયોગિતા વિશેના તજજ્ઞ-અભિપ્રાયધારે હવે પછી તૈયાર કરવા ભાવના છે.



નોંધ :- સમગ્ર ૪૫ આગમમાં પ્રત્યેક સૂત્ર કે ગાથાને અંતે અંગ્રેજી ક્રમાંકન થકી વૃત્તિનો અંક નિર્દેશ છે. તે વૃત્તિમાં છ છેદ સૂત્રો અને ઘંદપન્નતિ સિવાયના આગમો માટે અમે પૂ. આગમોદ્ધારક શ્રી સંશોધિત સંપાદિત અને (૧) આગમોદય સમિતિ, (૨) દેવચંદ લાલભાઈ ઠંડ (૩) ઋષભદેવ કેસરીમલ પેઢી એ ત્રણ સંસ્થાના પ્રકાશનો જ લીધા છે. - ઘંદ પન્નતિ માટે હસ્ત લિખિત પ્રત લીધેલી છે, - બુહત્કમ્પો - પૂ. પુન્યવિજયજી મ.સંપાદિત, નિસીહ-પૂ.કનૈયાલાલજી સંપાદિત, વવહાર, પૂ.મુનિ ખાપ્રેક સંપાદિત, જીવકમ્પો. પૂ.જીનવિજયજી સંપાદિત છે મહાનિસીહ ની વૃત્તિનથી. દસાસુવકલ્લંઘ ની ચૂર્ણિજ મળી છે. માટે તેનું ક્રમાંકન થઈ શકેલ નથી.

ઠપ-આગમના પ્રધાન આર્થિક અનુદાતા

સમ્યક્ શ્રુતાનુરાગી શ્ર.મ.ણો.પા.સિ.કા

શ્રીમતી નયનાબહેન રમેશચંદ્ર શાહ - પરિવાર, વડોદરા

પ્રસ્તુત આગમમાં મુખ્ય દ્રવ્ય સહાયક

- ૮ સા. શ્રી સૌમ્યગુણાશ્રીજીની પ્રેરણાથી, પૂ. ગુરુવર્યા રત્નત્રયાશ્રીજી મ.ની દ્વિતીય પુન્યતિથી નિમિત્તે સ્વ.ચતુરાબેન પિતાબરદાસ પી. દામાણીના સ્મરણાર્થે તેમનો પરિવાર,
હ. ઈન્દ્રવદન રતીલાલ દામાણી-વીણીયાવાળા (મદ્રાસ)